

蒲圻縣志

人物一

列傳

人物者何志士著也蒲為古縣山奇而水清於人物蓋斌斌矣前代史不絕書我

朝乾隆四十一年李甲特蒙

賜諡焜耀鄉閭矣舊志編目頗碎今於行全事雜者為列傳而儒林文苑忠義卓行孝義武功隱逸仙釋各以類從至廖正一本德化人陳求道本咸寧人別為流寓景焉以列女附志人物

宋

蒲圻縣志卷九 列傳

費思古天聖進士累官諫議大夫時范鎮知諫院以請建皇儲罷師古抗疏留之不報遂歸 楚紀湖北通志全

明

魏觀字杞山元季隱居蒲山太祖下武昌聘授國子助教再遷浙江按察司僉事吳元年遷兩淮都轉運使入為起居注奉命偕吳琳以幣帛求遺賢於四方洪武元年建大本堂命侍太子說書及授諸王經未幾又命偕文原吉詹同吳輔趙壽等分行天下訪求遺才所舉多擢用三年轉太常卿考訂諸祀典稱旨改侍讀學士尋遷祭酒明年坐考祀孔子禮不以時奏謫知龍南縣旋召為禮部主事五年廷臣薦觀才出知蘓州府前守



陳寧苛刻人呼陳烙鐵觀盡改寧所爲以明教化正風俗爲治建黌舍聘周南老王行徐用誠與教授貢頌之定學儀王彝高啟張羽訂經史者民周壽誼楊茂林文友行鄉飲酒禮政化大行課績爲天下最明年擢四川行省參知政事未行以部民乞留命還任初張士誠以蘓州舊治爲宮遷府治於都水行司觀以其地湫隘還治舊基又濬錦帆涇興水利或譖觀與旣滅之基帝使御史張度廉其事遂被誅帝亦尋悔命歸葬 明史本傳太子諸王賻觀有加 明史葉本傳所著撰見藝文志

王愷字時舉兒時卽抱巨人志肆力於學永樂甲申進士知江寧剽煩剖劇處之裕如命撫畿甸逋氓旋集

蒲圻縣志卷九 列傳

二

上問戶部錢穀出納面對不爽預修永樂大典進左中先時漢庶人構陷宮僚下獄愷誦讀不輟宣德初補廣西僉事時猺獞爲亂遣文武將臣同愷往撫土酋底平又捧檄緩勞貴州夷上賜遊後苑觀元宵燈愷疏陳六事特賜俞允征大藤峽襄翊有功至潯州建學宮交徵向化轉廣東左參議往撫欽廉叛寇事平刻石招遠山 湖廣總志所著撰見藝文志祀鄉賢

龔夔 晟字德輝天順甲申進士初拜江西道御史巡直隸八府所至盜息民安按兩淮鹽舶奸賈無所肆其欺時廣東寇猖獗敕晟代巡晟至疏請建制府於蒼梧以大臣總督軍務兼巡撫東西兵餉相應允行之又巡浙



西斥舞文釐俗弊振刷不遺餘力旋護軍陝西先是客兵所過殘破晟嚴申令旌旗變色市塗雞犬按堵如故成化十一年晟爲臺長首請建立東宮旋以疏論相臣李時時銜之竟量移貴州參議以歸塗次嘉魚周忻以疾卒於官晟賻葬之孫良傳良猷見卓行傳良衡字起莘以歲貢補嚴州府訓導

良傳字起巖嘉靖丙戌進士出使淮府王餽贖金不受主工部事濬徂徠泉源監南北諸閘漕運以濟歷浙江僉事金衢俗多不育女良傳令其隣互察逐月計口有溺女者連罪風俗丕變州張啟元年十三繼母誣以內亂爲廉出其寃啟元感泣肖其像祀之與憲使萬雲鵬

清坑縣志卷九 列傳

三

副使徐階張岳俱以氣節相尙浙人稱爲四君子焉遷河南參議歲大稔人相食設粥全活甚衆陟山東副使卒於官 湖廣總志 子乾中乾瑞乾曜見隱逸傳孫棻號雲石嘉靖甲子舉人通經史能文章本字心渤萬歷丙子舉人官沔池知縣釐弊剔蠹吏畏民懷

黃 玘成化乙未進士授江西高安知縣爲政嚴峻豪宗屏跡拜監察御史堅持風紀不畏強禦時貴州征都勻苗勅玘紀功改土爲流改州爲衛厥功居多陟大理

寺寺丞

明一統志  
省志

子誠篤學苦吟推敲之際至墜塹不

知府志

件 瑜紳之子舉正德庚午鄉試第一丁丑登進士授



禮部主事提督四夷館嘉靖初以議大禮忤旨廷杖卒  
隆慶改元詔存卹其家蔭子一人爲國子生

明一統志  
省志

瑜少有志操正德十二年釋褐卽謝病去起補禮部主  
事復引疾歸世宗踐阼起故官疏陳勤聖學篤親親開  
言路敬大臣選諍臣去浮屠拯困窮重守令修武備儲  
人才十事已竟死杖下穆宗嗣位贈光祿少卿

明史本  
傳

瑜內行純摯

明史彙本傳

廖道南曰甲申春上召輔臣

於平臺於暖閣諭以尊稱之典大學士楊廷和蔣冕毛  
紀力諫上不豫主事桂萼竊取席書張璠霍韜方獻夫  
諸議奏之上下其議在廷諸臣堅執以爲不可瑜時私  
語道南竊嘆以爲世道升降係茲舉也秋七月乙亥上

蒲圻縣志卷九 列傳

四

降手敕改稱孝宗敬皇帝爲皇伯考恭穆獻皇帝爲皇  
考昭聖皇太后爲皇伯母章聖皇太后爲聖母諸司俱  
奏以爲不可十月五日戊寅少宰何孟春率百官伏闕  
死爭大學士毛紀石璫取帑伏於前上命司禮監宣諭  
下學士豐熙給事中狎御史俞翹郎中余寬黃待顯陶  
滋相世芳寺正毋德純於獄瑜伏地執道南手曰吾禮  
官也有死而已已而悉下百官於錦衣衛獄庚辰械至  
午門前杖三十死者十有六而瑜亦竟不起矣屬續時  
睜目謂道南曰吾志已畢吾子勉之李贄曰當瑾初用  
事時科道有言俱被慘禍其後勢成銓柄在已非其私  
人不置言路是以一時臺省皆爲不鳴之伏馬而捐軀



死諫之士反在於翰林都寺諸臣也世宗新政若輩宜汰去而侂瑜之疏既下復寢豈當事者懼傷國體而不欲空署逐之耶抑猶有所避忌耶然讀瑜一疏若輩已當愧死矣所撰著見藝文志

謝存儒嘉靖丙戌進士累官兵部侍郎宦績所經勛譽

卓卓可紀

明一統志省志

存儒字懋玠嘉靖丙戌進士性醇

樸幼通經術督學蔡潮讀其文奇之及爲行人奉策澧州王邵其貺金遷給事中條陳急務上褒之會論許祭酒失職狀謫判邛州罰里中豪不少貸舉學勸農佗郡獄多屬鞫焉歷禮部郎中調共獻后梓宮如禮擢南昌府精職事以廉敏爲下僚先籍所部姦邪發則召其長

清江縣志卷九列傳

五

吏按問亡寃郡大治上計還巨雨如注時郡旱久存儒至雨人咸忻悅以方前守嘉魚李承勛云參政陝西檄諸郡墾田積貯邊餉不匱繕甲兵具卒乘修城堡邊聲大振民不告擾尋陟山東布政以年饑穀貴令民兼錢輸漕穀省漕費過半東土以安擢副都御史巡撫河南疏請折鈞州噐價鈞人立石頌焉釐革祥符炬夫費以資軍食晉兵部侍郎卒

湖廣總志

廖道南字鳴吾正德辛巳進士授翰林院編修歷右春坊太子中允至侍講學士

舊志

嘉靖四年十月進泰神

殿禮成感靈賦一篇園邱載祀慶成九章上命付史館

明史葉禮志

四年纂修明倫大典成

舊志本傳

七年十



二月望白氣亘天起坤指乾陳四事一責任大臣以修政務二延訪儒臣以資治道三慎擇守令以恤民隱四選用將帥以固邊防兵部尙書李承勛左侍郎王廷相等覆題照得中允廖道南奏稱四事無非安內攘外以圖至治內稱歲遣大臣一員巡視各邊及遴選將才備用闔外一節深爲有見合候命下通行八年二月覆充會試同考官取中進士唐順之等三十名七月長庚氣如匹布亘天陳言六事時桂萼居冢宰阻格不行九年五月覆奏爲申明祀典事大學士張孚敬揭帖參駁覆奉聖諭所奏姚廣孝不宜配享太廟卿等其試加思之禮部尙書李時覆題廖道南所奏可謂達於鬼神而明

清圻縣志卷九列傳

六

於祭祀之禮

楚紀

嘉靖九年以廖道南言罷姚廣孝

明

史禮志

旋奏拆野佛淫象又改正慶成樂章五十九章

進和大報歌孚敬及鑾忌道南專擅時肆毀議上留中

不聽

楚紀

十年中允廖道南言孟春特享正太祖南面

位權爲九廟之制甚盛典也然各居一帷者一時之權

各立一廟者萬世之經

明史藝禮制

太宗以下宜各建

特廟於兩廡之地有都宮以統廟不必各爲門垣有夾室以藏主不必更爲寢廟使列聖得各全其尊皇上躬行禮於太祖之廟餘遣親臣代祭如古諸侯助祭之禮帝悅命會議又世宗以禘祫義詢中允廖道南謂朱氏爲顓頊裔請以太祖寶錄爲據禘顓頊

明史禮志

十一



年八月進講大學衍義奸臣李林甫章觸忤孚敬次日  
直日講孚敬云今日講官廖道南內引莽操懿溫正欲  
中傷汪冢宰也鉉聞之變色而去十二年七月初三日  
上臨講筵時顧鼎臣不到席春搆誣孚敬遂面奏道南  
不行代講遽謫道南於徽州陰嗾汪鉉密伺而中之傷  
以復前日莽操懿溫之怨十三年正月俯詢侍臣乃知  
其故着取回復職十五年二月上聖主光圖陽翠嶺賦  
上褒答云覽奏具見忠意賦送史館採錄十八年三月  
恭譔聖主南巡江漢賦及景雲徵烈四頌欽奉聖旨覽  
奏具見忠愛所進賦頌送史館楚紀二十六年卒於家  
舊志

蒲圻縣志卷九 列傳

七

張東周字子用嘉靖丁未進士授刑部主事先是臺中  
有許福獄歲餘不能決東周取積案窮四日夜勘得其  
情全活甚衆世宗大悅書名屏左陞禮部主客司員外  
郎提督四譯館上疏言崇正學七事而分宜以賄冊一  
富藩東周力爭分宜術之出簽滇憲兵備普安緬甸恬  
息以積忤權璫謫潼州倅著勤力榜數條吏畏民安居  
一年卒於官祀鄉賢子諧見卓行傳謨官湖州照磨謨  
子于階萬歷甲午舉人以孝友著

饒若蒙敬承子字完白萬歷丙午舉人令清河縣特准  
陽游饑飛蝗蔽野民多流竄若蒙緩賦寬徭多方賑貸  
考最進陞戶部主事轉本部員外郎中忤權貴左遷長



蘆鹽大使旋陞仙游縣仙游巖邑密邇莆田土田每被  
豪右侵占多逋賦若蒙方清覈不避權勢復獲戾左遷  
紹興府經歷紹興守知其賢頻攝新昌餘姚蕭山三縣  
所至有聲陞六合令歸出俸餘建闔族享堂置田八十  
畝供祭祀餘給貧族婚葬

熊兆祥字汝飛號渭水嘉靖壬子舉人令峩眉時經妖  
寇蔡百貫亂後兆祥休養寬恤捐俸修葺學宮疏引龍  
門洞水作堰灌潤民田萬餘畝有屯田間雜民田軍官  
多以屯混徵積弊百年兆祥分別軍民區畫界限民免  
徵者三百石有奇又綏戢都蠻報最陞重慶府通判署  
府策以羨金進者不受也旋以母老乞歸養孫崇萬歷

浦圻縣志卷九 列傳

八

癸卯舉人

謝鵬舉字仲南少貧力學登嘉靖癸丑進士授戶部主  
事守臨江時廣寇張漣黨入清江鵬舉截江戰俘獲甚  
多寇退憲司欲盡戮其俘鵬舉跪請曰此皆良民爲盜  
驅者遂止擢廣東參政陞浙江按察使轉左布政先是  
監織造局者價不全給所私以萬計鵬舉盡畀之無所  
私甲戌入覲 見通鑑 陟副都御史倭寇內訌督兵往勦  
捷聞晉戶部侍郎蔭子入監尋陞右都御史與江陵不  
協投劾歸山居二十九年朝遣禮部主事袁宏道存問  
年九十二卒賜祭葬子承祚以蔭官通判 舊志本傳  
宗二年甲戌春正月召見朝覲廉能官於皇極門 綱太

神



祖時外官奏事輒召見賜食訪民間疾苦佐貳雜職有廉能愛民者常特遣行人齎勅獎賚宣順成宏朝亦間行之張居正以考察屆期倣舊典具儀以上帝乃召見布政使謝鵬舉等二十人竝賜銀幣資治通鑑綱目三編

何思登字一舉號滄南萬歷甲戌進士初授行人公道高潔冊封諸藩不受餽遺已行取爲權人所持遷南京戶部主事刑部郎中出守雲南以戢獮甸有功上賜金嘉勞嗣丁內艱補臨江守甫浹月獲巨奸劉亨四半載又丁外艱起補池州躬督耕桑祈雨有應池人立祠祀之慕拯作希包堂陞雲南按察司副使備兵曲靖土酋

蒲圻縣志卷九 列傳

九

咸戢未幾還里復起補廣西副使請告歸署臬劉庭芥閱帑藏見思登有遺俸特遣齎送人以此益多其清介祀鄉賢長子夢周歲貢訓零陵丞人士爲繪春風化日圖次子夢相有文名季夢星萬歷戊子舉人

鄧士亮字寅侯廷珮子萬歷辛卯舉人甲辰明通進士兩任州學正擢肇慶府推官考最入爲宗人府經歷陞南戶部員外權楊州關稅贏金萬餘兩悉輸內帑陞郎中出知四川馬湖府今雷波廳苗寇犯順士亮會同守備王從周迎戰斬苗首威夜月池等四十餘寨悉平時上司出價取銅萬劬旣而不用追價士亮曰昔以價徵銅今以銅徵價兩厲吾民何能堪此乃捐俸解補旋陞上川



南道卒於官

府志

所著撰載藝文志

王台彥字明珍萬歷癸卯舉人銓四川達州知州州有白蓮匪聚萬人將攻城台彥以計擒其魁數十人斃之餘黨遂散以父喪歸服闋授河南信陽州時楊漣以抗疏論權璫斃獄中昇骸歸道經信陽與漣友者畏璫弗視彥獨慨然曰楊公直臣矧同年友也倘吾以楊公故獲戾猶榮甚撫棺哭且厚恤之遷貴州思南府同知再遷銅仁太守銅仁地多苗叛服靡常台彥開誠撫綏苗以靖擢畢節道副使時苗酋爭界相亂朝廷遣使往勘者二三輩輒不返及就官黔督朱燮元知台彥賢命之往於是攜二僕從十餘騎進渡六廣河直搗水西大方

蒲圻縣志卷九 列傳

十

檄召酋匿弗見復遣別酋召之酋使驍帥率數千衆來迎拜跪間猶摩娑刀環以示不下夜彥就寢有酋秘載金珠種種以獻台彥笑曰使吾可威劫豈肯入爾界使吾可貨誘豈能平爾界界不平爭且不息汝曹首領莫保矣酋退語曰是公廉哉且其言誠未可負遂獻印歸命彥於是案圖立表定界而還事聞賜白金寶鈔授廣西蒼梧參政逾年乞休章三上乃可順治丁亥二月卒

祀鄉賢

國朝

宋長春字柏山事母以孝聞從軍征吳逆爲把總平岳州有功從提督萬人福建克復南日直抵廈門授都督



僉事管西安遊擊事立義學教軍民子弟獲大盜金維  
正等累官雲南副總兵誅叛苗陸尙賢餘悉宥之廣南  
平卒官 湖北通志 子如璟任山西雁門關守備改授浙

江昌國營守備

馬之鵬字文淵康熙乙丑進士知博白縣有失子者控  
縣訪之不得之鵬清保甲見一人有異訊之獲所殺屍  
於水中遂置之法一縣稱神又擒積盜王叔元害以除  
改知元謀縣盜魁李玉林入貲爲撫院吏之鵬捕治之  
歷官給事中條奏會審遲延潮鹽加派會試中額三事  
俱施行 湖北通志 其一略曰康熙五十年十二月二十  
日爲拿獲包攬等事審理俱未詳晰九卿詹事科道會

清史稿卷

列傳

十一

同再審經今九十餘日會議三十餘次尙未題結此遲  
延之爲弊也且凡集衆會議無論官之大小皆使得伸  
其所見以裁酌事理之中原非欲其雷同附會也卽或  
衆說紛紜未必皆合亦應虛公折辨以歸畫一乃九卿  
等概置不議若非牽制原案憚於改正卽是意存瞻顧  
互相推諉此又遲延之所由來而臣之所不能爲會議  
諸臣寬者也其二略曰三月十五日據江西贛州府贛  
縣知縣楊玠投遞揭帖內稱原任廣東糧道張天寬潮  
州運同李續祖虧空帑金經兩廣總督題請以張李未  
運掄筋變價抵補部議酌於惠潮汀贛四府屬新七舊  
三分年帶銷經摺法道票行贛縣帶銷歲有定額忽遭



潮州知府薛載德巧立通融名色重加疊派經四五倍借帑鬻販以充私橐督臣趙宏燦何無覺察有負委任封疆察吏安民之意其三略曰舊制會試中額只分南北中字號致中式人數多寡懸絕康熙三十年臺臣王承祐條陳禮闈中額久偏一疏於南北中各分左右按卷多寡均勻派中誠不易之良法也至十八年內憲臣梅錫條奏復酌成規一疏銷江南人也但知爲江南耳但知分左右以安撫所屬偶有脫科之府耳不知左右旣廢癸未科廣東全省未中一人也查今科會試江南約四百四十卷中式四十三人是十卷而中一卷也浙江約四百二十卷中試二十人是二十餘卷而中一卷也江西約三百六十卷中式四人是九十卷始中一卷也湖廣約三百七十餘卷中式六人福建約三百七十卷中式六人是六十餘卷始中一卷也四川約一百七十餘卷中式二人是八十餘卷始中一卷也乃至廣東約二百七十卷止中式一人是又雲貴廣西之不若矣合五省中式不及江南一隅之半縱中額少有參差當不至相懸如此之極也今科場條例犁然具備臣愚何知敢復少參末議以滋紛更但分左右之舊例不復則偏枯偏榮之積弊難除伏請

睿裁親加釐定

聖謨高遠超出羣臣之上勒爲不刊之典則率土同慶千載



流光矣

都諫奏稿

後掌錢法力清夙弊死之日家無積

儲

湖北通志

鵬曾孫庠生崇陞以孝聞

程材傳字晉懷雍正癸卯進士知獻縣歲饑賑務妥協  
又嘗擒大盜李二趙二等境內盜風如掃擢知天津州  
尋轉秦州窮民依如慈母焉河間志秦州志並有傳  
張開東字賓暘歲貢生官蘄水訓導少有雋才嗜佳山  
水每乘隻輪車徧覽名勝車中大書一幟曰五嶽游人  
見者異之與弟開楨伯翹李標蓼灘等有四傑之目  
湖  
北通志  
東才望藉甚與朱相國珪畢中丞沅諸鉅公友  
善爲文不尙虛辭務濟實用入秦劄呈畢中丞請表護  
諸陵定爲八則一重建祭殿二徧祀諸陵三參定碑式

清圻縣志卷九

列傳

十三

四廣築圍垣五親丈山田六封植樹表七象衛存留八  
封內有禁又訪姬姓後尋橫渠裔請中丞畢奏於

朝俱襲五經博士又札朱相國立碑青冢并三皇墓碑轍  
跡所經於古帝王聖賢故蹟歷歷表揚又家居作救荒  
急論其畧曰歲戊戌大旱早晚稻皆槁死迄閏六月溪  
水涸不通船禾麥俱無間有糴者米升凡二十五錢麥  
十錢錢不可得得錢又無可糴富有田者無租而出錢  
糴米及麥豌豆以佐其食有請貸者則指其實以謝其  
人無復語鄰里借升米者率格格不能出諸口人情洵  
洵如不終日白萑病在床榻聞而流涕已乃發笑曰其  
然耶其竟然耶夫天降凶荒此窮人生死之關而富人



恩怨之會也此天之所以嘉賚富人俾富人樂得爲富人且長保此富者在此時也名與利天下之所欣慕而爭也富人之錢穀豐年易爲利凶年易爲名得利者無名得名者未嘗無利不可以不思也或問其故曰有因人出費之法有分鄉均給之法何也蒲故無大富人大約自萬金至數千金而止萬金者不數見若數千金至數百金一團之中或數十家少至十數家不等何地蔑有若任人稱貸則富者立竭貧者擁門徒以招怨吾知其難今萬金之家計自捐銀二百兩五千金之家計自捐百兩千金之家計自捐二十兩推之數百金者皆準此分爲兩度一濟目前一濟年末如萬金者目前所捐

之百金先自其宗族始其有備者可無慮其急需者量其親疏遠近而給之多至三兩少至一兩及數錢不等一兩以上者或書券或不書券其鄉里之與我親附者量其厚薄緩急及人口多寡老少而給之自一兩至數錢不等各書借券如此則居者無餓孳之阨行者有餓糧之具而氣機生動矣又留百金以待歲暮之窮且病者而籌畫漸次周密矣推之數千金以下數百金以上者皆準此又或一族一村共有數人兩其人則倍其數減其數必增其人合而有助受困之家獲益良多至於簞食壺漿可以澤物一錢粒米亦能活人此皆所謂因人出費者也此鄉如是彼鄉亦如是彼此不相假亦彼



此不相諉則分鄉均給之道行焉推之一縣一州皆然  
天下其無飢民乎 截錄 東因質衣倡賑鄉人從之所著  
譔見藝文志



蒲圻縣志

人物二

儒林

宋

任獻夫字安世政和進士温厚爾雅歷荆門刑曹有異

績

湖北通志  
康熙甲子志

為文冲澹平易理致精密及娶南嘉李

宗義女終其身夫婦相敬如賓

湖廣總志

祀鄉賢

元

黃溥字彥博至元元年中鄉試授慶元路鄖山書院

山長為人敦樸學知務本言動不苟士子則之

宋 愿字文齋生而穎敏力學不倦崇尙經術至忘寢

明

蒲圻縣志卷九

儒林

食皇慶中授濂溪書院山長轉澧州學正

湖北通志

明

艾觀洪武初明經任本學訓導以身立教士知取則

十八年辭秩家居與物無競

湖廣總志

王允茂字才英居縣東積慶坊嗜學通經以道義自處

險易一致與兄志學相友愛弟子從授詩經學甚眾號

為楚林先生

舊志

洪武十八年舉明經授泰寧令釐革

弊政民情翕然太祖錫之丹符以旌厥績卒於官

湖廣

總志

解縉曰世多以經學專門不達於政若王泰寧非

以經學致用歟而又以傳其子與弟子視漢西都諸賢

何媿焉祀鄉賢子愷見列傳



廖 清字源潔弱植清苦躬耕力學正統十二年舉於鄉授武義教諭慨然思紹金華正學手錄金仁山許白雲及宋景濂諸集誦讀研究體驗身心朝夕不怠晚年所得益深子傳佐皆登第 府志

胡堯凱字廷和博綜典墳崇尚經術正德癸酉鄉舉高尚其志竟不復出專究心於理學游南嘉李承箕大崖之門學者稱之蓋淵源於陳白沙云 府志 祀鄉賢

任遇隆號衡雲隆慶中兩中副榜性孝友究心理學爲經師翰林院魏珩如大參王台彥憲副鄧士亮司理徐鳴玉等皆出門下授長沙府司訓陞臨武諭以詩上太守云首藉羞年儉石魚喫歲豐太守問之曰昨泛湘江

蒲圻縣志卷九 儒林

見二石魚一銜萱草一銜蓮菡知歲豐矣後果驗陞四川重慶府酉陽司教授致仕歸孫崇見卓行傳

王良謨字克訐嘉靖甲子舉人授元城教諭教士先行後文以憂去起補貴池遷蓬溪縣令始建社倉二十餘所民賴之稍遷真定府判歸蓬人立祠祀焉生平好義置義田顏其莊曰景范 府志 所著譔見藝文志祀鄉賢子學孔有學行孫台彥見列傳鼎彥見文苑傳

馬 介字于石性嗜古負博綜譽萬歷八年歲薦授蘄州訓申教作士善譚名理擢武寧令緩征徭捐罰緩施粥濟饑與民不擾以疎上官解任歸子天錦見卓行傳天銘有至行



周 淳字完初篤學嗜古萬歷戊子舉人授九江推官以疏論本郡守相詎訐謫山東運判攝濟河縣事遷思縣令兩遇荒禱竭力蠲賑移知武城甫兩月疏濬河渠舟楫通利遷兗州府郡丞攝大名府事平白蓮教匪晉秋思思府謝病歸所著譔見藝文志

王進臣字東洪博極羣籍尤精易理以歲貢授桃源縣訓力行勸士轉石門諭致歸方正自持家規嚴肅子弟不衣冠不敢見所著譔藝文志

國朝

宋 修字客山乾隆壬子拔貢究心理學崇尚實行世業儒修生七日失恃二十一喪偶不續娶居父喪糜粥

蒲圻縣志卷九 儒林

三

三年講學龍門書院造就多人乾隆甲寅諭羅田申教作士致歸一年自言後十三日子時卒至期沐浴坐逝所著譔見藝文志授徒賀自莘字志堂敦品立行恪遵師訓留心易學於傳註多發明所著譔見藝文志



蒲圻縣志

人物三

文苑

元

王廷揚至治鄉貢江存禮泰定鄉貢並舉博學宏詞元時膺此選者湖廣省惟二人據湖廣總志所著撰見藝

文志

何槐孫字德符幼穎敏日記數千言泰定進士授江西

宜黃縣尹再任德安雲夢遷慶元路總管府推官俱有

政聲有碑碣諸文行世湖北通志 康熙甲子志陳廷訓為撰政績

碑一統志江西志寧波志俱載名宦祀鄉賢舊志本傳

蒲圻縣志卷九 文苑

所著撰見藝文志子燭見卓行傳

明

李德庸名宏以字行宋李義山之曾孫遷於蒲為蒲圻

人庸幼讀書即務探微旨及長講明性學深達闡奧得

其淵源先輩推讓之洪武十九年辟為本學訓導勤於

教誨永樂五年應江西鄉試聘得士蕭時中被召入京

會皇儲監國經筵進講稱旨遷國子助教陳足疾免朝

參十年致仕府志

黃煜字士昭父楫號雪洲能詩文煜幼穎異積學該

博能識奇字辨古文訛譌舉洪武丙子鄉試授合肥教

諭風格冷然賦詠自樂未幾棄官歸束帛求碑頌者屢



滿戶外府志所著撰見藝文志子城墀同舉永樂癸卯鄉試好古力行綽有父風城訓富順墀諭內江俱見四川名宦志

王文友字三益永樂甲午舉人性情和易才學充贍授峩眉諭蜀志多裁其手

魏 裳字順甫嘉靖庚戌進士爲人質直亡他腸好讀書博物洽聞一時海內知名士爭相交驩授刑部郎出守濟南解淄來盜均章邱賦濟人德之晉山西副使罷歸杜門不事家人生產而時時好著書里中後進爭師事之明一統志祀鄉賢所著撰見藝文志子樸如見阜

行傳彬如見孝義傳

蒲圻縣志卷九 文苑

王鼎彥字隨菴台彥弟少敏慧能文性不羈台彥屢戒之鼎彥曰兄狷弟狂不相悖也萬歷壬子舉人上公車後遍游吳越間名山佳川妓館詩壇無不過者偶歸里卽感然曰吾居邑屋如入瓶盎中殊不耐旋去久之爲河南內鄉令以親喪歸復爲滕縣令三年遷江南西城兵馬司又三年遷刑部郎崇禎庚辰擢陝西榆林兵備副使榆林大將軍張天禮爲其帳下卒張自得所劫盡有其家貲據城以叛殺副將一遊擊一結楊光明等爲外援鼎彥議勦邊撫鎮不問也然鼎彥竟給楊光明殺張自得以降復招降流寇賀洪啟等六千餘騎定邊悉平時邊餉耗減兵食草實幾變鼎彥百計撫之竟無事



及謝事南還降賊跪送五百餘里至墮淚矣未遷粵西  
桂林參議未就隱居江南年七十歸里七十七卒所著  
撰見藝文志

魏珩如字白叔科之子萬歷辛丑進士改湖州教授尋  
陞國子博士擢翰林院簡討爲福藩講官啟沃勞勩賜  
賚倍至旋參兩浙屯鹽有條行六款鑿鑿可行建塔以  
標文峯開湧金門以通百物全浙永賴撫按告其成神  
宗賜金嘉勞焉後以病假歸翰墨自娛所撰著見藝文  
志祀鄉賢

劉光輝字大者祖慶以孝聞祖母魏以節聞載舊志光  
輝篤友愛苦志力學以泰昌元年恩貢任松江華亭縣

浦圻縣志卷九 文苑

三

主簿開河巡鹽均有成績與何喬遠丁賓兩尙書交均  
以仙吏目之參軍黔衛攝篆湄潭所至有聲後歸士民  
多泣留者年六十九卒子來遠亦能文所著撰見藝文  
志

### 國朝

余開熙號嵩山父應瑞性孝友隆師儒好施予開熙以  
順治戊子己丑聯捷授會昌令勤撫疲民請除漕運量  
帑之累閱七月擢主政旋補江西司主事遷員外郎癸  
卯北闈同考進吏部文選司郎中康熙初乞歸養家居  
八年卒所著撰見藝文志

徐美大字亦人號石峯父邦巡號古愚淹洽經史兩中



副車美大年十三補邑弟子員康熙庚戌進士丁巳九  
都考中書未任而卒惜未竟其才學也所著撰見藝文  
志

祝其杏號洪川乾隆戊辰進士淹雅負才望少緝學樓  
居自課不通往來士人常於深夜望見燈光曉復聞誦  
讀聲未仕而卒所著撰見藝文志同時沈均秉之並有  
文名

李 標字表南號蓼灘乾隆丁卯舉人博學工詩爲莊  
相國恭記室通志與張開東等齊名人稱四傑所著撰  
見藝文志

敖一瓚字黃中號復亭乾隆乙卯優貢嘉慶庚申副榜

才思清高學問淵博工詩古文詞戊寅授訓天門造士  
有方所著撰見藝文志



蒲圻縣志

人物四

忠義

漢

駱 瀚仕漢為御史中丞獻帝末權奸擅朝棄官歸居鳳山采蓴自養人目之曰蓴隱先生

明

漆永受洪武二十四年謫戍梧州永樂四年英國公張輔征交趾永受時從指揮王諒千戶姚真進攻黃江身先士卒敗之於鹹子關又敗之於平海口七年從征清化擒敵首簡定於美良縣授交州中衛千戶後於慈廉

蒲圻縣志卷九 忠義

廣威二州節建奇功宣德四年調征乂安亡於陣 湖廣

總志 弟永奉襲蔭仍守梧州姪景調岑溪 舊志

趙德貴上三都上里人為剛毅慎許可寡交遊洪武丙寅年起貢授兵科給事中獨立敢言諫垣凜凜臺閣風生尋被誅

龍景亨字伯通永樂丙戌進士性資英毅孤抗不能容物授監察御史監稅龍江關立法至嚴人不能犯以壽終先是羅洪為御史以廉稱陳文禮為御史以明稱暨景亨以嚴稱臺中號三直

盧 中字守正至孝奉父訓維謹正統乙丑進士授刑部主事歷員外郎郎中居官清約遇權璫貴戚屹然峻



絕門無私謁用法罔撓陟浙江參議歸行李蕭然無長物祀鄉賢

王 瑩字潤之景泰丙子舉人銓刑部司務會有犯大辟者中官利其金求出瑩曰吾頭可斷此律不可易也官六月卒弟鑿字奇之成化乙酉舉人通判濟南府復監益州稅厰閣臣諷以賂當爲徙美官鑿曰此豈賢者所爲抑豈吾父兄家訓也遂歸

王 儼字民望先世居蒲圻曾祖子民爲華容丞遂家焉儼中成化己丑進士授兵部主事改工部都水治呂梁洪事竣轉刑部郎中往按鄭府盟津王獄多所平反補成都知府戮妖僧海無邊等擢河南右參政復按涇

蒲圻縣志卷九

忠義

二

陽王獄具得其實轉陝西右布政使北朝人西固城總制王越屬儼督餉區畫芻糧摘發奸宄中官劉瑯索金鬻玉儼峻拒之尋陟副都御史巡撫山東上言弭盜五事召爲戶部右侍郎攝太倉釐宿弊理漕政以忤逆奄劉瑾矯詔謫戍遼東三萬衛尋以赦歸致仕年八十八卒諭祭塋儼墓在蒲子姓多居蒲者

汪 洪字克容成化丙戌進士官至山東參議忤尹昱謫知綿州創石盤七堰溉田數千頃土苗叛遇害

湖北

通志

居人月夜每見乘馬如生立祠祀之

湖廣總志

廖 漢字天章俊之子宏治進士授戶部主事陳情便養改南京孤介有聲正統初劉瑾當國上疏抗論時政



不報再疏自陳結茅五洪山不復出

湖北通志

子道南

見列傳

江師古字克承宏治進士授工部主事管清江浦閘時中貴往來作威凌鑠師古不爲之屈正德初劉瑾柄國卽抗疏歸性儉樸敝衣糲食陋室匡床翛然自得

湖北通志

胡堯元正德初進士授主事以忤權貴謫高郵州同知

轉瑞府通判論平逆濠功擢廣西參政征思恩冒瘴卒

林人祀之贈右布政使

明一統志省志

堯元字廷猷兒時遊

白石山廟謁顏真卿歎曰大丈夫死國血食茲土榮名豈有旣乎正德辛未授戶部山西司主事督金盞馬房

蒲圻縣志卷九

忠義

三

諸倉闕人谷大用者瑾黨也以門客屬堯元堯元沮尋之司徒王瓊舉谷言責堯元拒弗聽瓊大恚冢宰楊一清雅知堯元以瓊言薄譴謫高郵州同知州運河故邦溝也春秋湖溢爲害冬夏涸不可田堯元仿古溝洫法方一里爲溝至興化止兼修石閘爲旱澇備毀活祠更爲文游台祀蘓東坡黃山谷孫莘老秦淮海四賢丁丑上詔侯指揮妻馬氏入宮堯元上疏諫略曰漢選後宮家人子入侍唐納壽王妃職爲亂階上不納闈人史元泰督製御服還京騷害郡邑堯元抗疏條其奸戊寅選江西瑞州府通判明年宸濠反中丞孫燧副使許達死之堯元自吳城聞變徒步夜行間道五百里還郡知府



宋以方被執寮屬亡去堯元攝郡事僞騎馬李蕃掠城堯元乃簡壯士盛官儀詎稱迎蕃伏兵石鼓潭擒之嘉靖壬午詔以江西功授廣西左參政總督糧儲巡案邊務隨征土酋岑猛計給岑璋斬猛子邦彥并斬猛首旋以深入冒瘴死時嘉靖五年九月二十九日也知州陳堯恩視行李惟夏衣數襲圖書盈篋發帑殮焉事聞贈中奉大夫右布政使祠桂林諭塋江夏京口鎮截錄胡道本傳祀鄉賢子昱字仲陽號次峰壘有父風工詩古文詞嘉靖乙酉舉人補陝西韓城令以不得意投劾歸常騎射以澆其壯志

鄧廷猷字汝嘉號月泉嘉靖癸丑進士授戶部主事任

蒲圻縣志卷九 忠義

四

建昌府知府時流寇倡亂猷率所屬閱丁壯繕守備寇平積粟賑民毀淫祠建書院以公道面忤直指調雲南大理遂去官歸子士望字子畏官至達州同知著練敏聲士達字行吾隆慶庚午舉人官至石泉知縣孫日芳字茂叔天啟丁卯舉人有文行

鄭之亮字邦采嘉靖甲子舉人知臨淮縣臨淮爲鳳陽首邑最衝疲守監使虎而冠輦上貴人類來往供帳日待於境民不堪之亮至多惠政不朘民以行媚官至苑馬寺少卿歸懸車二十餘年不與聞公私事所著撰見

藝文志

張書字子中號蒲源隆慶戊辰進士選翰林院庶吉



士改授工科給事中疏論總河糜費轉刑科疏緩刑戶科疏薄賦兵科劾大同都督馬芳腴削行伍芳張居正黨時朝政必先聞居正書先奏後揭居正怒出爲河南布政司參政分守河南道有李天公者爲地室聚兵糧樹幟將謀反書密佈偵探一一計獲會居正薦星士索金三百不與更辱之膚慙居正京察降職居正敗遷南京兵部武庫司郎中最後官刑部主事致政歸子時雍字存肅萬歷癸丑進士授南京太常寺博士歷官河南知府加意拊循以催科延緩降松江府同知調萊州府同知致仕歸時熙更名懋雅字仲正萬歷癸卯舉人官至武陟縣知縣時流寇猖獗橫掠修武溫孟之間時熙修嚴武備境內獲安以禮際疎薄失歡上臺左遷兩淮鹽運司知事尋陞歸化縣令乞假歸時麟見武功傳謝承範字元疇萬歷癸酉舉人就職吉安府通判治行有聲陞梧州府同知梧故多獠賊猖獗備禦稍弛便弗能禁承範條陳利害簡閱戎器一切指揮如得夙構居有頃監司委以征討入洞殲其渠魁俘獲甚多梧民以安以瘴厲侵尋卒

魏 詔翼如子字奉之萬歷丁未進士改教授杭湖遷國子博士轉刑部主事會御史劉光復以直言下獄爲抗疏免光復熱審旋以面奏稱旨調兵部武選司專理清黃勳裔稱快內監明廉欲干預黃政詆言勤勞疏請



於上希稟縉詔上疏直糾明廉之罪上嘉納之褫斥明廉萬歷末陞江西提學副使以病假歸年六十三卒祀鄉賢所著撰見藝文志

駱文節字愛梧初授長興主簿陞彰德府經歷復降北直廣平典史景州妖賊于洪志黨散處京畿河南以白蓮教煽饑民上檄地方捕之節白於令訪妖首數名餌以作書招其黨至則盡械之衆大譟令懼節乃單騎直往諭之衆盡散旋署見布裹銀若干皆載姓名乃餘黨懼株連求賄脫者節獻之令悉給民爲牛種資令轉達府府竒之擢州判以內艱歸服闋入京補磁州州判乙酉賊李自成兵入蒲或強之避叱曰昔在廣平單騎入

蒲圻縣志卷九

忠義

六

賊營數萬之衆談笑而解今老矣豈爲鼠輩喪氣哉少頃賊至輒大罵賊怒縛之因索金節乃給賊曰我金藏土中必具衣冠掘之賊釋其縛乃衣冠拜哭於地下尋入室投繯死四川雙流令李甲節壻也節卒時年七十五妻蘓氏在雷家橋聞之亦不食卒

李 甲字孚先崇禎中

庚午

舉人知雙流縣署新都事擢

建昌衛同知未之任流寇至甲力戰進兵榮經歿於陣僕李事從冒白刃覓尸歸遂以死殉乾隆四十一年

賜諡烈愍

湖北通志

甲死時僕李事從李視篆隨事從冒白刃

負甲出積尸中以死殉視篆負骸莫能歸遂薙髮爲僧寓名山縣翠峰菴厝尸菴後塔中視篆守塔八年歿託



藏尸於其弟子祭寰又十五年甲仲子藥珠隻僕重跡  
由汴秦達益州迎甲新都遺民莫有識者倉皇走名山  
而西忽遇祭寰道次詢之得遺骸菴塔中昇以歸名山  
隸雅州蜀人爲崇祀雅州名宦  
劉寧國廣東參軍將錫乾子襲前職李寇破楚死之  
馬福昌南京兵部郎中天錦子庠生崇禎癸未獻賊屠  
城福昌被執罵賊而死

國朝

馬際昌崇禎庚午武舉粵東遊擊天將子初授巡撫軍  
前贊畫後撫軍盧象昇疏薦云智謀沉靜氣度優閑有  
儒將風尋擢中軍參將署副將事乙酉左鎮擁兵謀廢

清圻縣志卷九

忠義

七

立脅之南下不從竟遇害弟際盛

際盛天將養子少傭於人狀貌驍勇天將奇而鞠之從  
兄際昌軍中撫軍何騰蛟特器重授贊畫代兄際昌職  
爲參戎晉中軍後隨何視師閩中有殊功擢掛印總兵  
益感激矢死報國會戰猝遇困寡援絕餉或脅之降際  
盛怒髮裂皆大罵曰汝不聞奉撫軍令招散卒殉難於  
鄂郡金牛大冶間者乃吾兄際昌乎屈志覩顏生不如  
死遂殉難楚粵閩俱立忠臣廟祀之

張榮縣巡役嘉慶戊午洋泉團白蓮匪猖榮獨承差  
探其巢穴竟被害兵丁余宗錫交戰死之俱入祀昭忠  
祠同時死事者有黃明世徐茂文葉元章劉繼位其寄



籍竹谿充鄉勇陣亡之彭祖耀劉宗相劉元泰饒耀祖  
饒耀常寄籍鄖西之羅漢營俱入鄖陽府昭忠祠

青田縣志卷九忠義

八





明正直授知招遠縣再調丹陽勞績用熙

鄧 槐字大材洪武庚辰進士行端慎與人交未嘗有

倦色初授成都新繁知縣百務廢弛槐創規制設條教

修水利墾荒田民賴之再任新津政聲益著

陳文禮字貴和嚴威 自洪武庚辰起貢授監察御史

陳文禮因悟

智裔孫緯嘉靖庚

授捐 置學田造士有方

遷邑庠生應 十年辟舉授四川成

縣知縣勸農興學士民賴之

樂戊子舉人授崖州同知值海寇蜂

池與有力焉孫文明以貢為蒼溪連筠教

徵以貢任彭山瑞州司訓有文行

新景泰甲戌進士戶部主事監通州倉

初天順元年調判雲南景東府旋改

路更率父老子弟徒步

驚電繞其前

是歲郡大熟士民有 紀之所屬興化縣學宮久圯捐

俸修葺尋以最擢守温州投劾歸林居不問家人生產

及卒不能具喪禮子三人長頽宏治壬子舉人次頽宏

治乙卯舉人官永寧知縣季頽

頽字美之正德丁卯舉人少以經濟自期嘗讀書疊秀





山學者稱秀山先生令穎上循聲藉甚丁母艱服闋起  
補祥符令祥符中州都會難治甫下車申功令起凋瘵  
造士畜衆政聲旬如穎上兩臺交薦擢最有日矣旋爲  
權右所沮量移判福州尋又移知北徐州竟以不能煩  
印上官歸以壽終

王璧字器之在州學訓文修次子文修篤行好學璧  
未冠登賢在榜三掌學教兩聘考官繼擢雲

陽尹政績懋在解字時化尹絕平以循良稱

黃頤字敬德淳謹易登成化戊戌進士授知溫縣  
再調陳留政尙愷悌凡頑民梗化爲條約諭之不妄施  
刑及致仕家居清約如諸生時子崙嘉靖甲申貢爲永

昌司理孫鶴紳嘉靖丙辰貢

但存學字宗儒成化丙午鄉舉第二授敘州推官禮士

愛民至舞文猾吏則痛斥法繩之屢辨疑獄遷判重慶  
府值採木之役委令取辨存學恐近地擾民親歷嶮阻  
深入松橋在落抽在調度有方材不竭而役不煩民咸  
德之府志子偉字邦彥嘉靖辛卯恩貢任岳池知縣風  
度老成治尙敦樸載岳池志

件紳字佩之成化癸卯舉人丁未成進士授戶部主  
事監稅九江紳性警敏精於心計明習吏事參伍考驗  
悉中機宜創建公署代者便之府志子瑜見列傳

但維城宏治甲子貢任黃縣丞居官清約辨顏世遠之



寃擒剿海寇有功

魏 溶字文盛正德丁卯舉人令隣水陔俗喜訟兄弟爭產引蘓瓊事泣論之遂感化居官清約卒於隣隣人哭之哀祀名宦子正時正蒙俱以孝友聞

正初字汝復溶次子嘉靖戊子舉人知易州廉介不燃官燭易州稅少而額多三年一繇老穉無遺算正初曰十五成丁六十免役古制也乃復老稚一千二百有奇招集流徙會秋警大司馬議城白羊禦之正初勒奇兵二千爲諸郡先遷襄府右長史

府志

龔良猷字起虞嘉靖戊子舉人任廣州通判封川厓黎相繼亂良猷奉檄平撫有功

蒲圻縣志卷九

卓行

四

馬 練字元素性和易好施予嘉靖己丑進士任嘉定知縣除豪奸濬渠塞陞南京戶部主事員外郎中遷河南知府歷官端慎遇事有識子之猷

之猷字威如嘉靖甲子舉人知養利州申明禮法土司咸遵約束州舊有藥魚鴨市及諸土產異品官歲收其利之猷悉革除之艱起補茂州州軍多於民之猷著軍餉包封事宜一無減尅軍感其惠與監司爭安撫封議不合歸性至孝每逢父母忌日泣下沾襟

府志所著

撰見藝文志子介見儒林傳

饒敬承字象賢海峰知縣士亨子嘉靖丙午舉人令蒙城南部陞賓州有德政賓人祠祀之時八塞緡賊阻險



攻掠粵西大震敬承親冒矢石督率兵將奮戰殲其渠魁挺奏陞平樂府同知旋歸子若蒙見列傳

魏樸如字文可裳長子嘉靖辛酉舉人任衛輝府同知旋補敘州府同知又補安慶巨寇劉汝南亂親履行陣擒二渠魁旌功賞賚有加擢守澂江百計疏河民不苦澇三年乞休兩臺請於朝加副使歸所著譔見藝文志龔棹字時發隆慶庚午舉人授東鄉令聽斷不避津要一折之以理後補樂安遷判淮安府事卒府志

熊萬仞字立鄉隆慶庚午舉人授知樂安縣有惠政

謝師啟字叔蒙號衡冲本甘姓蜀人以祖洪嘉靖中爲蒲司訓女適謝因留啟父三訓隨姑遂爲謝後家焉初

清一  
卷九  
卓行

五

登隆慶辛未進士授東昌推官風裁峻肅徵拜御史屢侍經筵論劾冢宰巡視倉漕執法不阿及按兩浙風裁愈厲以見忤柄臣出爲河南按察司僉事駐禹州多善政詳禹州志後遷福建布政司參政罷歸卒祀禹州名宦師啟與弟師彥同科進士師彥字叔美榜發後卒於都孫登啟孝友力學康熙戊午舉人

張諧字弼卿萬歷丙子舉人授山東淄川令寬和爲理設糜賑饑置學田義倉爲淄川永利先是邑有苛稅諧申請臺司罷之民獲安輯府志子于陞號青如萬歷

矣弟舉人知鳳陽縣旋遷粵東憲幕會連州缺刺史上司委攝連篆州屬連山楊山素多盜難治陞蒞任務從



德化盜弭伏不敢出旋除河南舞陽縣尹甫歲餘歸  
余登宇懋庸萬歷丙子舉人鎮靜自守不妄通刺謁  
爲麓平論署縣事著風力聲卒於官

任文台字位南萬歷戊寅選貢司訓瑞昌旋補岳州復  
諭保安遇寇警台戎服登城爲諸生倡齊民無不效勇  
卒賴以完時謂之廣文干城創修保安邑志後轉澧州  
學正教先行誼諸生有抑代伸之婚葬不少有捐俸以  
助陞河南教授致仕歸杜門自適舉鄉飲大賓所著撰  
見藝文志

劉應命字長俞萬歷乙酉舉人授眉州學正署篆青神  
釋氏積逋轉授夾江知縣有負枉至大辟者滿雪得免

蒲圻縣志卷

卓行

六

擢知敘州粵俗薄葬成風痛懲曲助之人皆知孝水溢  
蠶饑捐俸設糜曷南寧府清徭減權民咸戴之子調鼎  
萬歷中例貢

周于蕃字介人萬歷乙酉舉人初授竹山諭造士有聲  
秩遵義府司理通義舊隸播播平始建郡于蕃多方勞  
來悉其司侵地攝知江津事民勒碑頌德轉留都司  
理決疑獄禁私錢威惠並著屢經薦剡卒於官府志所  
著撰見藝文志子成臣順治七年貢

袁紹文字海嶼父盛英山訓導璧之弟性孝友昭文以  
萬歷辛卯舉人授湘陰學正陟判臨洮府駐肅州距臨  
洮孤懸二千里殫力運籌形神爲瘁內艱起補判新安



署欵篆又攝海陽事汰冗胥革富商換單例銀庚戌秋  
權關蕪湖壬子量移禹州節郵傳省供億新學宮歷有  
善政遷邛州會隆昌王侵石筭山稅力爭之不得歸卒  
年八十二 府志

魏 說字肖生彬如子中萬歷戊戌進士初任南直都  
水司主事服闋授北京工部主事神廟內宮日取梨木  
條方百餘斲不用會者說易以杉木減其數上亦霽威  
遷本部郎中典試東粵督學四川授山西按察司副使  
轉參政復除山東按察使山東妖賊竊發勢逼省會說  
檄招撫之陞授太僕寺少卿道經賊所賊載道懼呼尋  
除應天府尹主藏者以羨金進悉以充餉爲減徵額陞  
戶部右侍郎兼都察院右僉都御史歸以畫自娛卒祀  
鄉賢所著誤見藝文志

清江縣志卷九 卓行

七

馬天錦字髮生萬歷乙未進士爲興化府司理屢白沉  
寃縮泉州篆以清介著聲莆人頌之有莆中德政錄生  
祠記溫陵紀事陞工部主事歲有贏金以還內帑丙午  
典試山西轉兵部武選司主事丁艱被謫起補兩淮鹽  
運判累轉南京戶部主事釐革陋規陞南京兵部郎中  
告病歸卒子福昌見忠義傳

徐鳴玉字振之祖思賢以選貢任蒼梧令有廉介聲鳴  
玉中萬歷己酉舉人初知福建長樂清介嚴明未期年  
丁父艱服闋遷貴州貴陽府司理屢平寃獄臺司推重



時有劇盜猖獗王同太守剿除之郡內肅然任三年陞陝西臨洮府通判尋致仕年六十六卒

余宗字叔夏號襄城性嗜古天啟甲子舉人選河南懷慶府孟縣開水利甦驛因固城池籌餉料丙子巡按陳必謙疏稱防河有功四月按察金光宸查閱州縣城池考孟縣上上丁丑題補工部虞衡司主事戊寅董修司經局又督修器皿廠宗監製如式改本部都水司員外郎時都城戒嚴奉旨督修炮臺刻期告竣河工告急敕督理淮徐中河兼理徐呂二洪等處河務甫至任疏請分任河工報可由是邳宿豐碭之間奮插如雲河道通行糧運無阻漕督張爾忠推爲蓄洩有方庚辰中河蒲圻縣志卷九行

饑宗請石價銀兩市安東縣黍麥以濟尋科臣以禮際疎緩購他事中之歸卒年六十九

李軫字君翼天啟丁卯舉人授清平縣諭捐葺學宮訓士有方遷國子監助教與修國史歷遷戶部主事監督海運親太二倉糧務勤於其職戴星出入運弁歛肅值近倉居民失火時正夜中軫星馳往救煙焰交烈東城兵馬司及各守衛官皆環視束手莫敢嚮邇軫忽出袖中手錄書一冊號召市民曰有致水一器者領一字有能奮前撲滅者領數字當重賞一時水器湧集衝注如雨火頓熄詰朝出數千緡繳賞人服其敏丙子秋師逼蘆溝橋都城戒嚴部發勘合運六倉糧給軍餉人咸



畏避軫率先倡行事平紀錄積勞成疾乞休歸家居十四年卒年七十六府志子四人次應謙崇禎癸酉舉人初任神木令省徭薄稅陞廣東崖州牧崖積苦牛判新稅應謙十數申文得蠲免崖民德之年八十三卒於家季應晉勤學好古選公安訓導未任卒

國朝

謝應璜字皇黼父師古字我思有隱行璜以八授崇

仁令一歲疏六年積勸諭有方又劇盜爲數十年害

應璜單騎諭之官河西知縣湖北通志

鄒應錫字爾圭號荆野父守宏爲潼梓尉應錫幼孤事

不禎壬午舉人出長沙李蔡門明年蔡狗獻賊難

清一縣志卷九 卓行

九

錫設位哭終心喪順治十六年謁除得知太湖

時海氛波湧江南北悉震羽書颺馳太湖城一空應

錫徧論士民言廉郡勇設席城埠閭稽出入謹片城羣

情始定或言僞檄且三應錫厲色拒之刻意守禦城以

全先是太湖編里五十明季賊據英霍歲暴 數四

人士不登於版者十餘年至是生齒稍又 漸關三

年奏績註上考擢知光州州田賦蕪於太三 錫拊循

有加然自防海以來形神交瘁不任煩勞遂息心內以

以疏略被劾歸所撰著見藝文志

李世紀博學能文章有勇略獻闖之亂以諸生倡義殺

賊生平樸貌古心衣冠不隨時尙與馬南屏倡心山社



四仲講學執耳文壇性不佞佛屬續時朗吟而逝  
任 崇字山宗號衡麓順治甲午舉人戊戌明通進士  
初授蘄州學正轉鄖府教授課士有法陞河南滎澤令  
旋以憂歸服闋補福建府南安令南邑濱海多巨寇崇  
力除之以良吏稱卒於官

馬淑昌字穉若號雪峰順治壬辰進士  
巨富無子贅壻其姪澁所有致壻於死匿其家  
累年未決昌泣任齋汰疏神凡七晝夜庭韓忽有符繞  
集案牘若向人語昌空齋隨雀上人深叢中尋得屍遂  
伏法所設者見

蒲圻縣志 九 卓行  
張瑾光 待拱璧子順治戊子舉於鄉己亥再行會  
試進 授司理時直指奉裁司理多溺職瑾光獨守  
法不阿平反得情研求名臣經濟以下 丞屬自

時仰其丰采 府志 所著撰見藝文志  
黃 錦字淑媚康熙丙午舉人授河南祥符令以賑饑  
廉能擢開封府同知時懷慶有姪盜殺媼 女為媼  
控告訟久不決錦往勘訊得實又有掠 女為媼

至女認識之按以法遷河間知府以母老歸年七十六  
無疾卒

雷 閩太學生知漢中府褒城縣地當衝要復遇大兵  
防駐每歲更番易戍居民離散閩到職捐俸給籽種集



逃亡褒民漸甦丁卯夏辭官歸士民泣送不絕於道  
徐淑嘉字爾會號誠齋鳴珍子順治辛丑進士由推官  
改授江南績溪縣令服闋補廣西羅城縣循良報訖調  
上林縣歸卒年八十四子極亦有才孫而發  
唐有勲字柱參號琅峯留心經世不屑營家人產由拔  
貢授山東武城令時東省游饑武邑特甚勲不待奏報  
開倉捐賑民賴以甦旋丁父艱起補棊江其治如武城  
不尙苛細當事交推之然位不滿才作令十七載始內  
轉中書科先期卒於官

祝大澄字登三號東川乾隆庚子舉人 挑 等職

山西歷舉三水武功乾州事任汧陽縣知縣甫到職寄

蒲城縣志卷

卓行

十一

子書曰吾家固貧今作吏豈遂富耶耕讀織紉不可輟  
其毋以家來萬一斤罷吾郎歸毋爲我累也汧陽乃在  
萬山中產煤民以爲生官日稅錢十數緡大澄至具盡  
却之曰此方土瘠民生產無幾忍復侵其利耶又縣野  
向多劇賭官歲得規錢五六百緡大澄禁之不使行居  
汧數年未嘗飲民間杯水癸亥軍興隨營辦糧臺修寨  
堡以勤疾卒於洋縣蒲河隨行僅一僕有近堡老嫗數  
十人請曰我等受公厚恩容登堂一哭乎僕納之哭失  
聲未幾得

旨准賜塋祭銀兩以樞歸汧陽士民奔送者數百人逾三縣  
及河乃返而於汧地並立碑紀德政云



張兆安字仁齋號對山嘉慶四年進士初任山西左雲  
縣知縣有政聲旋去職復任河南泌縣歷林縣武陟調  
滑縣最後任湖南芷江縣署武岡知州兆安性嚴謹不  
苟言笑然有幹才以堵築武陟沁河古樊口及滑縣馬  
工加府同知銜而在芷江士民有政紹漁陽之頌道光  
十二年卒於官先是蒲邑江隄頻決民苦征十兆安方  
爲孝廉首籲大府籌備銀壹萬兩解道庫取息修築永  
停征派焉著有對山詩集見藝文志



蒲圻縣志

人物六

孝義

元

廖均用父昇三卜葬邑之楂林均用負土成墳手植異松元末避亂南山散財饗士鄉民賴以全活躬耕山下儲穀若干石值大旱盡發所儲崇咸嘉蒲四邑取濟焉

明一統志  
湖北通志

子崇信洪武中貢入太學選武功衛經歷永樂間調雲南景東諭父歿哀毀踰禮服闋補舊職奉母

明

之任步行萬里不失孝養母歿廬墓終其身

蒲圻縣志卷九

孝義

戴思明洪武時人父祥遇虎於野亟往救之搯虎吭至

虎死父乃脫

廣總志

余 恭字尙欽母戴氏割股奉姑恭中永樂丁酉舉人入太學奉遣督役浙江力圖報稱不苟一介邑令嚴重之建忠孝坊以旌其母子

李 玘七世同居成化十年旌表

湖北通志

劉 慶字善餘嘗拾遺金三日還其人母葉氏病劇慶割股療之母痊

魏 滋字文淵性孝友母卒哀毀踰禮兩事繼母無間言成化丙午舉人選樂安令禦寇安民正德中以抗逆璫劉瑾告終養歸里居三十餘年脫鄉人李致良冤獄



活七人又捐金贖故人子罪年七十六卒子正中  
擇磽田正恭以貢爲資陽縣正參以貢爲吳縣丞俱有  
惠聲中子表嘉靖甲午舉人不仕母疾躬湯藥逾年讓  
父遺產於庶弟恭子桂萬歷丙子舉人隆昌令調通江  
有德政參子科亦有行從子襄賑饑掩骼表子翼如以  
敦義好施祀鄉賢子詔見忠義傳

李興賢字廷賓宏治甲子舉人父仲高出銀穀各萬濟  
天順二年饑興賢事庶母謹兄弟不析食族黨不能婚  
葬者助之正德四年旱載穀分濟全活多人未仕卒

邱 岡字鳴鳳嘉靖丙寅貢任魯山諭致仕歸篤義好  
施置祭田徜徉河干吟咏瀟灑以壽終

蒲圻縣志卷九

孝義

鄧廷珮號亞泉臨貢不仕樂施予鄰有鬻婦償稅者廷  
珮捐金代償之全其婦子士亮見列傳士毅有隱行孫  
日崇萬歷乙卯舉人官贛州府司理曾孫之梅崇禎庚  
午舉人

何 珍字承聘燭七代孫自燭孫至珍父五世同居珍  
以嘉靖貢訓餘杭轉武康論文行爲諸生崇年五十九  
假歸卒年七十八子思登見列傳

黃宗榮珰之孫母盲宗榮日舐之目復明壽九十五  
熊若虞邑廩生父兆祥見列傳若虞性仁恕敦任郵曾  
貸里人穀千五百石值歲饑負者不能償虞悉火其券  
舉家啜粥糜晏如也年六十九卒



任文定字兆磨父洛以貢爲廣東都司經歷署南海諸  
邑篆委驗賈舶竝著清名文定孝行純摯輕財重義善  
古文詞工書畫父洛疾刲股瘳之邑修城掘骨纍纍爲  
大坎具牲文痊之以隆慶丁卯舉於鄉選南陽府同知  
捐俸賑饑登膺上薦署篆舞陽內鄉禱霖雪枉所過人  
皆追思致仕歸琴橐蕭然所撰著見藝文志

魏彬如裳之子萬歷壬辰貢事繼母孝精岐黃術買藥  
活衆諭未陽爲改遷學宮人文蔚起子說見卓行傳

徐 錦字黃谷持身端謹中萬歷戊子舉人一切田廬  
推之兄與姪無所恡吝辛丑選令職病作卒於燕邸子  
邦隆字孟昌天啟元年息貢入太學拔取監元與金聲

蒲圻縣志卷九 孝義

三

譚友夏相酬唱晚林居樂行其善遇人有覺解以醇醪  
發藏賑饑造舟渡河多義舉焉孫維椿號疊峯息貢授  
安鄉諭捐修學宮造就諸生先行後文旋諭興寧致歸  
維機歲貢生承父志修橋曰繩先橋

饒承教萬歷中人母病刲股作羹愈之承教妻病子若  
驥若騮亦刲股以奉驥補庠生同知葉文懋題旌之

王 悞治鐵爲業母盧氏病劇割左股肉和藥進母痊  
至八十餘歲終悞亦以哀毀死邑令旌之

周玉寰明季流寇過境白骨遍野寰日荷畚鍤上下山  
原收瘞之鄉里上其事邑令獎賜之寰死無子  
舒春野明末庠生萬歷十六七年饑兩賑之



謝奇杏歲貢生以田十餘畝讓之弟成父愛也  
彭楚書生五月而孤稍長傭力養母母病篤割左乳肉  
進愈之知縣林增志旌

但仕字汝孝邑庠生嘗拾遺金俟其人還畀之其人  
割半以謝弗受有醉辱之者禁家人勿理其人明日暴  
卒得不波累

楊四智字伯起邑庠生積學篤行老而不倦家貧館陸  
口覓江干白骨纍纍出館穀造舟收瘞之南嘉熊開元  
題其舟曰慈航邑令林增志贈以贊

### 國朝

袁吉暉字月山順治乙酉拔貢性孝友丁親喪哀毀撫

蒲圻縣志卷

孝義

四

孤姪如己出學宗陽明爲文真樸時稱月坡先生

賀世麟字景瑗年十二補邑弟子員旋薄時藝致力於  
古毋錢病篤嘗糞割股以憂卒

張拱璧字正陽幼失怙事母孝康熙壬辰饑出積穀賑  
三月年七十以壽終子瑾光見卓行傳環光見藝文志  
瑜光有學行孫達仔見藝文志

張拱翼字念川多義舉明崇禎庚辰饑傾困賑給修官  
公隄畔瓦窑港橋兩舉鄉飲子文光有父風孫孺子以  
歲貢授城步縣學博達材納沔女爲婢見女父母不忍  
離棄其金更裹糧還之

宋維舉字四隅樂善好施與姪時魁捐貲修復義田三



百餘畝自輸公及祭費外以贍族孫希若康熙壬子舉人丁親喪廬墓六年有雙白燕巢其側補黃安論所著  
撰見藝文志

任經邦字達生與兄孝廉經世相友愛俱抱遠志邦修任家橋建慈救閣新南泉寺以諸生終卒年八十二所著撰見藝文志

張大綱字伯常孝友督學王志堅錄其行云籲天起危父之疾捐金解叔弟之訟順治丁酉歲薦不仕歲時展先人墓涕泣如兒時以壽終

張士達樂善好施明季庚辰連年饑餓鄉里癸未獻賊陷城掠鄉驟馬士達悉出以抵境獲安捐金贖里人石

蒲圻縣志卷九

孝義

五

某於死順治丙戌荒連四載捐貸如曩時三舉鄉賓年九十終

朱希明當明末闖逆倡獷負父母入荆紫山採薇侍養有家貧售妻者解囊免之舉鄉賓卒年九十二

萬 昂六齡喪父母叔用卿撫之用卿生子二昂友愛不忍析產嘗越洞庭求孤姪於澧州歸爲之婚置祭田以厚宗族拾遺金還其人子大中以拔貢中雍正甲辰舉人任竹谿教諭

丁鼎元邑庠生好學篤行從昆弟求異居鼎元止之不得後從弟中落鼎元復召同爨不分居者三世食指至五十餘人



舒鳳翔字岐陽母死哀號墓次父爲葺廬三月翔始入居哀益甚有狐魅夜爲哭聲翔驚以爲母開戶迎之魅爲治容翔但哭其母魅自滅

張達佐邑庠生篤孝友丁未春淫雨損秧捐種濟之舒恒言年十三父母病刺血書表禱延父母死未葬至三十四葬後始娶其餘質金焚券散穀賑荒義舉有足多者

賈成禕親死廬墓三年

陳學義本周文卿子中表陳華楚無子文卿以學義嗣之後華楚舉二子學義友愛篤甲寅兵變奉父母隱山中食力孝養周氏父母早喪墳爲隣侵捐金贖之華楚

蒲圻縣志卷九 孝義

六

病禱白石廟遇虎哀告以故虎遁適驛馬至載以歸父母卒廬墓五年

徐鳴珍字席之鳴玉弟癸未秋母陳氏病會流寇入城衆奔竄珍獨侍母疾號泣不去賊感釋之子淑嘉見卓行傳

馬宗昌邑庠生甲申鼎革奉母馮氏避亂崎嶇顧養以孝稱長子登源有志畧能救人急難次子之鵬別見列傳

盧逢益字維夏七歲孤母朱氏守節病疫益呼天請代侍母旁昏寐見神人可其請醒以語家人母果愈益病戒子勿進藥曰幸神許代母何以藥爲病亦愈享年八



十妻魏氏以哭姑死子著以哭母死

張文謨篤孝友樂善好施父疾籲天求代及卒哀毀踰禮吐血數升人有急隨力周卹爲族中婚葬者十餘人同時先後篤行者有拔貢廖金聲歲貢徐文輝廩生黃蔚庠生熊賁來鄭鎬歐陽斌劉名鳳廖應榜及歐陽振葛嶸

張宗白字梅岑性友愛工詩畫書法從弟宗秀病淋欲絕以口疏膿血而愈所著撰見藝文志

周 柏居親喪廬墓三年

李曰瑚字介眉雍正癸巳舉人任鄖縣教諭能古文詞有義行

滄坑縣志卷九

孝義

七

但開元字會宗乾隆壬申舉人性孝友家貧授徒於外所得館穀悉畀其弟作養親甘旨後任石首教諭石邑人士歸之稱道學先生

周天度字範成乾隆乙酉舉人能孝將赴禮部試行抵武昌旋憶父歸適父病隨歿得以親殮盡哀云

王崇學字遜亭乾隆乙酉拔貢讀書謹飭能爲經生家言鄉里皆重其行

李方弼字清輔性孝友父病脹吸臍通便病以痊母足偶跌進食跪哺兩居親喪廬墓斷葷三年乾隆三十九年建坊

黃恒滙字仲涵太學生事父孝其叔祖迪字名揚有義



行康熙癸亥舉齒德廸任邑十三團約總恤貧救患給  
諫馬之鵬作白紵歌辭贈之至恒滙父病恒滙夜告

天剗左股月和膳以進復效黔婁嘗糞父尋愈

李爲松字秀倫邑庠生父手爲蛇傷以口吸其毒母病  
疽亦如之乾隆四十九年以應試至郡城忽心痛日必  
母病也急趨歸虎蹲路側弗之顧母見子歸甚喜病減  
娶王氏早卒終身不娶乾隆五十六年建坊

張吉兆字泥封乾隆甲寅歲貢事母孝居縣城未嘗以  
半刺入公門年九十卒

錢琦字崇道嘉慶戊午舉人官鄖縣教諭性洒落好  
施與尤篤友誼武昌陳中丞名中孚嘗爲文褒之

清城縣志卷九 孝義

八

陳樹賢字見思嘉慶甲子歲貢性嚴毅而事父母則和  
顏盡孝居喪哀毀骨立水不少入口雖衰年必扶杖謁  
先人壟號泣至失聲爲詩文必守先正矩度謙於學問  
常抑抑然及于以私必面折也所著撰見藝文志

賀運梅字鍊冶嘉慶戊辰恩貢孝友好施與有學官劉  
益隆借多金劉卒運梅火其券且厚賻焉弟魁選字瀛  
州乾隆己亥舉人能文與學士法式善爲忘年交先運  
梅十餘年卒運梅撫孤姪如己子弟魁南字楚望嘉慶  
戊午歲貢少穎異年十二補弟子員攻經學至老不倦  
魁南次子斐觀字竹筠嘉慶己卯優貢官八旗教習亦  
能詩古文詞善星學



吳灑字宮魯嘉慶癸酉副貢性孝友

章開瑞字萬椿叙職州同事母孝好義母奈氏有淑行開瑞富於貲奉母命免典棉衣被息者十年母壽至百歲乾隆戊戌大旱同弟開元設厰三男女士民區別糜賑其疾病老弱親爲調理自秋初至來春末止全活多人至若立義學修橋梁以萬金計不惜也

文攀元邑庠生父病手足偏痿攀元左右扶持之不少懈事繼母能得其歡心

馬光德字孔昭太學生性孝與同里廖潤修並好施廖廷箴好善同里有宋修者生甫六日失怙恃廷箴撫之成人著名理學

蒲圻縣志卷九

孝義

九

章應韓字奕山開瑞三子以廩貢任蘄州學正樂善好施尤篤友誼工部主事陳詩序云奕山與人交渙若無畦畛而潔清自好之士輒傾心相待無忤色亦無戲容余以是知奕山之知人也至其友張薇軒老困窮旅寓於江夏旋卽世所遺兒女子無以自存奕山爲之嫁其女而令其子歸故鄉截錄他如輸助隄工經營橋渡又同諸弟捐四千金以爲邑中鄉試賓興童試卷費御史袁銑贊曰上雋名區篤生偉人仁聲義質矯出風塵炳炳燿燿舍懃懃絳紗旣取秋實亦掇春華簪紱靡營綱維是振施而不奢儉而不吝洪流保障忘私急公藝林高誼一倡胥從匪鈞竒譽匪矜遠模善薰閭里和集門閭



宜昌厥後雛鳳音清惟德之報歸於立誠弟應勛字心  
唐濟人利物設涼亭一修石橋五置義田二施棺三十  
年既又以邑無考棚獨捐建費八千餘金邑禮部主事  
馬麗文序云蒲自建縣以來童試皆在縣署坐位維艱  
扃門之頃倉皇失措一遇風雨則擁擠林立數百年來  
竟無一人爲廣廈庇者心唐獨慷慨以身任成從前難  
成之舉也

周麗金字得原道光辛巳恩貢事繼母孝有堂兄武陵  
失業自蜀歸麗金析產與之教授里中貧寒之家多不  
取修脯

補遺

蒲圻縣志卷

孝

十

賀瑄字道興弟斌字邦興成化時人俱有善行父仁  
原以千總職督修武當山觀病卒厝紫霄宮下山石崩  
墮壓棺成高邱瑄兄弟奔至勸欲絕監修官以神葬慰  
起乃立碑哭還夜行荒園中有火光繞足踏之地陷得  
窖金遂富積穀至十八萬石值饑有司勸賑縣令撥經  
承六人持簿記明咸湘嘉蒲四邑之人雨集賑三月畢  
院司爲立義民坊於武昌省城

丁師車埠人家貧性孝日辦肉一斤養父母自食粥  
後遇流賊死先是蜂兒嶺下田長苦旱師剡土作堰以  
溉每夏秋蓮花滿塘藕節可食人目之曰丁師陣



蒲圻縣志

人物七

武功

明

汪 清世居新溪太祖既平陳友亮清首謁轅門扈從  
征討屢立戰功進階明威將軍後改觀海衛指揮姪明  
及孫迴元孫鏞襲職

但應隆明初以功擢指揮後繇北平從太祖征陳友亮  
於鄱陽湖有功因敘功不及格逃山中久之論定御史  
羅洪題請拜武德將軍洪贊曰天威赫赫統屬羣心載  
勦亂賊雲集於征神武張皇掃境清明惟公抗志不久

蒲圻縣志卷九 武功

官名懋賞其功武德將軍

劉 鐸字振遠父志清沒於陣鐸年十四吏不加存卹  
鐸亦不求憐揮淚與同輩別有馬都閩者奇其貌留置  
記室爲武昌左衛前所軍天順元年從征銅鼓五開及  
交洞城步苗成化元年征兩廣賊次年征荆襄流寇十  
二年復征靖州八寨宏治六年檄征貴州判苗前後以  
軍功累陞至指揮同知加封安遠將軍世襲武昌左衛  
鐸雖生長戎行有敦詩說禮風晚居山軒手不釋卷年  
九十七卒孫閑襲職

劉錫乾字健甫鐸五世孫勇而能文廕武昌左衛指揮  
四歷漕運特授貴州銅仁守備時苗賊叛乾單騎赴之



俘獲多人陞四川松播遊擊官至廣東參軍將  
侯定國字正君余開衡字衡山武生皆以勇聞定國孝  
友沉毅好讀史傳多權智精騎射射輒沒羽命中開衡  
善雙刀每起舞寒光凜冽兩人野外較技觀者如堵無  
不叫絕顧往往忼慨論時事相對語輒憤惋欷歔泣下  
癸未春逆賊張獻忠躡蘄黃屠會城屬縣皆聞風避邑  
令曾棫奮忠義募壯士及煙兵千人決意死守命兩人  
督領六月二十四日賊遣輕騎百人爲探哨拏船渡定  
國先發三矢貫前騎二人賊大驚開衡亟舞刀大呼殺  
賊賊衆遁七月賊全隊壓境曾令率兩人阻河拒戰衆  
寡不敵官兵反走邑令曾棫死之定國開衡獨陷陳被  
重創絕復甦順治甲午經畧洪承疇大軍駐楚開定國  
名召置水師鎮參謀尋病歸卒

蒲圻縣志卷九

武功

國朝

張時麟字季昭書季子萬歷乙巳武進士累官至鮎魚  
關參將屢有戰功後以偏師失利降山東都司僉書順  
治元年投誠陞二級都司同知年七十卒子昇以鑾儀  
衛旗籍中山東戊子武舉

李侍義沉靜有智畧崇禎癸未獻賊破會城侍義團練  
鄉勇堵禦一方順治乙酉闖賊掠邑侍義率鄉勇逆戰  
於大田畷賊潰走生擒數人磔示之於官路亭賊屯黃  
茅山楊林諸處侍義計劫其營伏兵截其要路賊至伏



發邀擊之賊大驚散渡臨湘河而南自是邑西南隅無賊害撫鎮聞其名屢聘不就年七十五卒子世紀見卓行傳

馬天將性豪宕東萊白蓮盜起經畧招致幕下所上方略切中機宜薦授登萊守備遷粵東游擊于際昌際盛見忠義傳宗昌見孝義傳

王武臣字筦庵以武舉令安化擢遊擊好讀書爲文慷慨悲壯嘗過闕里錄聖賢贊摹聖像歸重鐫之志欽慕焉所撰著見藝文志

但尅卿字蓋臣先世以武功起家尅卿少孤篤友愛且奮志王事初值甲寅吳醜騷動依左營把總征洞庭得

蒲圻縣志卷九

武功

三

功授守備旋從提督萬人福征福建廈門等處奏捷授懷遠將軍甲子正月朔以疾卒於燕邸

傅奇俊號南竹幼習韜畧膽識過人癸丑甲寅吳逆叛滇孫逆叛粵奇俊摧鋒陷陣所向披靡以恢復房縣功冊銜守備進勳白河上津及巫山川東有功後敘議優加二等爲都司僉書官至湖南永州遊擊卒時年七十七子得勝官南贛鎮中軍遊擊

項楷字玉軒順治初年平雲貴有功改授陸涼州牧

後以歸養

葉鳳舞大貴團人嘉慶三年洋泉白蓮教匪起鳳舞全

奈仁安馬序昭馬儒俊等領居民七百餘人爲鄉勇先



追至石門頸格殺多人匪旋潰散近圍數十里得免騷擾鳳舞之力也

舒萬年方橋團人年四十二充督標兵又五年隨定西將軍征金川得瓦爾丹巴圖魯勇號藍翎頂戴千總銜旋補襄陽鎮標右營守備復隨叅贊衆討賊擢陝西西安州營都司換花翎改誠勇巴圖魯陞福建桐山營遊擊調臺灣鎮標右營遊擊陞臺灣城守營叅將最後任廣東龍門協副將加武功將軍金川之役萬年得打仗功一百八十五次超等功十次頭等功四次



蒲圻縣志

人物八

隱逸

漢

歐陽炳和自長沙宦同兄繼儒卜隱鳳山監今縣署卽其與駱氏故址也

明

燕遺民字逸德號空谷老人累以賢良徵不起時獨行深山碧澗間嘯歌終日興至則濡毫揮翰逸氣浩發真隱者也

龔乾瑞字汝賢良傳子嘉靖丁未貢爲霸州同知涖任

蒲圻縣志卷九

隱逸

一日卽辭官歸濟因匡無觴詠自適子棻本付見良傳傳木有隱德孫逢烈見藝文志逢堯以明經爲博士

龔乾曜瑞之弟隆慶壬申貢不仕居家謹厚撫孤姪成立子挺能文補諸生卽絕意進取精養生家言娛情山水孫逢祥見藝文志其餘若檀若逢璧逢顏逢旦及瑗俱有軼行璧子維三孫璋見藝文志

祝眉壽字以介邑庠生尙氣節鄰里有爲不義者輒曰祝公得無知乎其見憚如此

魏 宸博學工書晚耽二氏學結菴繙誦無疾終

魏式國詔之孫遭時變隱姓名爲江西寧州寺僧家人覓之不得居歲餘詔門人劉同升知其踪以書迎之歸



肄業雪峯寺中後補弟子員卒年八十八

黃門相號龍躍其先豫章籍庭堅之後以洪武三年避亂居蒲新店後遷鳳山既而讓其宅爲驛而自居城內之舊驛厭市囂復遷官田同妻鄭氏出入耕鑿家食粗給比諸子成立析食門相惟日徜徉鄉市親黨間癸未秋獻逆蹂縣所過腥聞門相抱恙居鄉不克徙避賊渠至戒不得入室謂其僕曰我雖作此行徑甚知好友女家素好人也與其僕作禮而還子中通任鹽亭知縣後補朝邑門相贈如子官

宋時魁字文可號惺軒萬歷甲辰進士授行人累官河南知府醇謹有氣節因福藩就封不堪騷動以親老告

蒲城縣志卷九 隱逸

歸杜門自適絕跡造請

何冲然字湛真思登孫博涉經史長古文詩歌三十餘始補諸生傲然不屑也飲酒豪放有劉阮風

雷 驚號百里持身端謹勉人爲善多指報施往事相勗聞者悚勸子御龍字髻望崇禎乙亥拔貢歷官多政績

李正蔚田有年周維新熊 崑俱庠生萬啟明魏 崙

汪應 鄧明崑葛蒙校何凝思皆舉鄉飲賓

于志所載舊志

國朝

黃鳴鐘康熙丁卯貢負奇嗜酒將終前數日策蹇辭疾及期命子煇香湯沐浴盤坐延壽寺以卒



彭大章康熙壬申貢性友愛好讀書不仕倡建心山社  
同廩生熊纘武庠生馬履昌潘之砥隱居其中講學敦  
行同時先後恩貢熊毓南廩生程伊傳彭祖武李闢地  
唐有恒庠生周天垣熊必俊何佳然俱以文行隱

陳 岱字宗五庠生以齒德舉鄉飲賓其後舉者有田  
應元吳仕崇張挺賓周日春盧仲懷熊裕占文勝崧馬  
世圖梅文銓李成勛盧義先魏方孔彭應勅劉天錫黃  
道日彭哲人魏采國 王志

魏熙達字爵一南勲團人嘉慶二十五年建百歲坊壽  
至百有六歲

熊巨侯原名自瑚楊林團人壽百有一歲五代同堂

蒲圻縣志卷九 隱逸

三

高學泰字安舒楊林團人壽百歲五代同堂

周占魁馬坳團人年九十四見元孫三五代同堂



蒲圻縣志

人物九

仙釋

國朝

楊易生本縣人游江漢間自言年已百歲誨人以修身  
明道之學旋游太和未幾卽返曰山中人具殺機不可  
與處別結茅以居絕粒啜泉日一勺久之端坐而逝酷  
暑三日面色如生

太元木蘭寺僧本縣人少入空門恪守禪規茹素終身  
死之前期戒諸法嗣於次日更衣羅拜趺坐敲木魚誦  
經而逝



蒲圻縣志

人物十

流寓

宋

廖正一字明畧德化人徙居蒲圻

一統志

安陸人元祐

中除秘書省正字紹聖初入黨籍貶監玉山以卒

東都

事畧

湖廣總志作京山人

陳求道字得之咸寧人登進士第靖康間判都水監朝議二帝出郊請和求道力爭不聽金人立張邦昌下令在京官不朝者死求道稱疾不屈先是陳留河決漕輸不通開封尹宗澤命求道治之七日盡復故道建炎四

蒲圻縣志卷九

流寓

年命為襄鄧隨郢鎮撫未行寓蒲圻龍堂僧寺招撫劉忠叛奉求道為主求道正色厲辭賊怒殺求道妻蔡氏及二子符佺必欲從已求道罵愈厲賊斫其口拔舌斷之獨符子凱竄於山谷得免賊退始得求道屍瘞於興

陂

宋史本傳

趙葵衡山人寶祐三年鎮荆湖城荆門及郢州

湖北

通志

府志趙方傳方封長沙縣男後寓蒲圻開第於

城內梅隱坊子四人董薤范葵

明

黃師魯字希聖號清河道人其先自桃溪徙居蒲慕山

谷太史之風遇佳山水輒吟咏忘返精篆籀風韻飄逸

洪武初辟為崇陽訓導

舊志作崇陽人

湖廣總志湖北通志俱



唐

岳

詳師儒傳

傳 卿字獻卿福建莆田籍本縣人嘉靖甲辰進士官  
至廣西僉事坦介不阿義篤梓里丁艱歸哀毀踰禮以  
孝稱



蒲圻縣志

人物十一

列女

秦寡婦清始皇爲築女懷清之臺史遷傳之貨殖班氏譏之而傳列女又多採摭淑行而鄉里小民淑行絕少表見惟守節歷數十年苦甚蓮心良堪憫焉至若事親及夫病多有割臂股以和藥者亦孝誠所積發不可沒也今並登之而貞淑壽婦間綴於中志列女

元 見通志者四人

費氏何槐孫妻宋諫議師古曾孫女夫病幾殆割臂和

蒲圻縣志卷九 列女

藥

劉氏王蘭孫妻年二十六子德俊纔六歲德原生六日而蘭孫亡嫺姪欲嫁之誓死不二撫二子成立至正壬辰兵越蘄黃蹂踐鄉邑二子奉母周全獨完其宗人以爲貞節所感

宋氏黃開妻開早殞誓不再嫁節操貞白以上壽終

宋氏魏雲瑞妻祭酒魏觀母宋濂爲勒墓銘

明 見一統志及通志者三十人

黃氏魏銘妻無子銘別娶丁指揮女爲繼室指揮後知之亟携女還黃追至途懇請讓丁正室而已爲副

左氏王先茂妻元季兵起茂避亂氏備歷艱苦及寓泰



寧茂卒於官子愷年甫九齡邵武衛官吳某欲娶之矢死不二扶夫柩反子愷有傳

任氏連輔妻字慶貞年二十適輔閏七月夫卒撫遺腹子芳以明經任射洪訓皦日之操六十年如一日

曾氏但勝聰妻適聰二載聰卒遺孤方七月守節六十年宏治中舉貞節

魏氏廖賓南妻適賓南一歲而寡氏甘貧奉姑立侄爲嗣守節六十年

趙氏謝存憲妻二十五寡撫孤謝三誥又卒趙偕娶婦龔氏紡績甘貧誓死守節嘉靖中旌

徐氏王世廉妻姑病侍湯藥不櫛沐澣澣皆親承之年二十五夫疾篤欲以身殉時子良謨在妊夫勉止之夫卒撫孤勤苦成名官至真定判以子貴

清江縣志卷九 列女

余某妻戴氏

金氏謝師彥妻彥舉進士卒於京年二十子纔生數月金殞欲絕撫孤四十年得旌表

楊氏劉熾妻熾人道不通楊事之數十年無怨夫喪哀毀飲食必奠如事生二婢感其義年四十餘亦不嫁萬歷三年旌表

謝氏黃祐妻年十六適祐祐卒撫孤有成復天一孫又天子婦何氏孫婦魏氏俱二十而寡嫠居三世俱有節操



鄧氏魏正模妻事姑謹生子甫十歲而模逝有奪其志者鄧氏斥之謝侍御師啟爲謨傳任郡丞文定謨誌銘張氏魏方昇妻年十八昇卒事姑勤孝貞操不渝年三十五卒

余氏龔采妻撫嗣侄奉姑七十三年

屈氏庠生龔維翰妻采孫媳年二十守節撫孤

謝氏庠生龔理妻維翰媳守節清白益一家三節焉

黃氏但維城繼妻萬歷間舉貞節

田氏郭立本妻年二十寡奉姑守節四十年

姚氏謝自強妻夫卒無子自經死

周氏劉觀妻妾張氏以雙節稱

蒲圻縣志卷九 列女

魏氏劉元妻二十五寡守志

魏氏庠生曾曰忠妻年二十守節

王氏譚廷玉妻年二十五守節四十七年卒邑令曾杖旌之

謝氏魏柱國妻各二淑年十四獻逆屠城爲賊所獲罵賊奮躍方塘而死

朱氏黃辰妾辰卒朱甘貧養嫡鄭氏及遺孤勤苦無怨嫡卒營葬盡心

蔣氏廖秉文妻

明 除一統志通志外見府志者一人

魏氏鄧日華妻華早卒氏苦節三十餘年邑令林增志



旌獎

明

除一統志通志府志外見舊志者六人

黃氏廖後妻有淑行

黃氏胡堯元妻有淑行

鄭氏謝三訓妻以子師啟封孺人邑稱賢母

鄭氏何思登妻封宜人有淑行

饒氏謝元觀妻元觀贅於饒姑病饒往侍湯藥衣不解

帶者累月祖姑十年未葬解糒奩安厝之年未三十卒

邑令曾祇申請督學 旌表

魏氏庠生舒顏繼妻前畢氏生五子魏亦生五子恩勤

前子過於所生至鬻亡子所分產為之畢婚佐治內外

蒲圻縣志卷九 列女

四

禮法肅然子鳳池中崇禎庚午鄉試子孫在庠者十餘

人 舊志補遺

國朝見一統志及通志者四十六人

陳氏庠生程呂中妻夫亡家貧苦節饗殮不給子拾遺

金歸亟命待其人還之雍正五年建坊

朱氏盧聯瑞妻年二十七夫亡子幼遭明末亂負繼姑

避難年八十三卒雍正四年建坊

但氏覃則敬妻則敬起義拒寇歿於兵氏聞之欲投河

死姑知其有娠嚴防之彌月生男教子成名守節四十

年

陳氏熊瞻渭副室年二十六守志以其莊田牛馬予媿



所生三子自取薄田三十餘畝爲饑後嫡子皆貧氏仍析產與之

周氏馬俞妻年二十寡值鄰饑累穀千石盡散賑不責償

王氏熊大來妻妾劉氏長媳徐氏次媳周氏孫媳李氏孫妾陳氏長孫媳魏氏皆能守志蓋三代七節焉

劉氏張瑾光妾年十八歸瑾光卒守志不渝舉子一年八十卒

沈氏張達兼繼妻十五歸張未幾寡氏守志善事其翁長子漣早喪妻熊氏無子守節至四十歲卒次子涉列邑庠亦早卒

蒲城縣志卷

列女

五

賀氏張達可妻年十九夫卒子幼多疾氏禱於祖子果愈女張氏沈援妻歸沈三載沈卒守節事姑孝初女侍賀側以孝問賀教之復以節問賀曰此惟守節者知之自是女亦以節顯不愧於其母云

任氏熊朝宗妻二十七寡二子俱幼康熙戊辰夏逆猖獗伯欲奪其志氏聞之自縊鄰戚救之乃止卒年八十熊氏孝廉黃鳴陽妻勤儉孝敬自舉一子蘅夫側室二子如己出甲辰姑病劇跪侍藥餌累月不寐積勞成瘵忽樸地卒

楊氏黃蘅妻居江夏蘅贅其家姑卒氏越二百里來奔喪黃家世清白喪具從節省氏力主循禮解佩環佐之



又出資奩作佛事追薦其姑後歸踰年卒

魏氏邑庠曾恕宣妻二十七寡姑在堂子士雄方三歲會寇燬家氏携子避兵黃葛山與姑相失姑渡沔陽卒氏尋得之鬻衣殮扶柩歸行至黃蓋湖風作隣船飄沒氏伏棺號泣呼天曰寡婦死耳姑柩與兒何罪禱訖而風息舟得不覆

楊士雄母某氏

劉氏余開熙妻少歸余事姑謹隆師教子年四十六卒魏氏舒春野繼妻前妻子有齒過於氏者有年相敵者氏綜家課子循循有禮法舉所有產悉以畀前妻子後氏子舉孝廉

蒲圻縣志卷

列女

六

余氏龔良柱妻

劉貞女

陳氏雷元聲妻二十四寡翁姑念氏年少家貧勸令改嫁氏剪髮矢志守節三十年如一日

舒氏余應試妻年二十餘夫喪守節五十餘年三子垂白怡怡堂下

余世楚妻吳氏

任氏張達偉妻年二十五懷孕而孀彌月生子值夏逆亂撫孤臨柩痛哭解粧奩購地就葬乃避兵今建坊入

祠

魏氏祝日旭妻



汪氏漆文若妻

鮑氏吳學泮妻

劉氏張開若妻

王氏熊方贊妻

余氏陳祥宇妻

徐氏張甫妻年二十夫喪矢志不二事舅姑如禮後二子俱早亡遺腹一孫與媳程氏同撫育食苦茹淡以終其操

王氏徐渭占妻年二十四寡家貧乏嗣事舅姑力供甘旨不缺

楊氏張作霖妻

蒲圻縣志卷九

列女

七

李氏懷遠將軍但起卿妻年二十四寡媳彭氏年二十三寡媳守節

石氏龔世卿妻

鄧氏楊紹翁妻

宋氏王培基妻

蔡氏任某妻

國朝除通志外見舊志者六十三人

姑媳節婦余司楚妻吳氏媳熊氏康熙戊辰值夏逆變吳携子同隣女避兵巖穴中時多虎鄰女畏而強其歸吳以兵未退辭焉次日其弟尋至山見虎伏巖側吳母子端坐無恙又火延其室吳冒火捧考妣暨夫木主出



媳熊旣寡其父母欲奪之感吳訓矢志吳於雍正八年  
建坊

劉氏周日監妻年十九寡無子事舅姑孝立姪爲嗣  
黃氏李仲純妻純性敏氏勸之勤學純早殞氏年二十  
八無所出舅姑命立叔孝廉之次子大泌繼夫後撫摩  
鞠育如所生泌復早世媳宋氏亦年二十八而寡與姑  
同節生二子長光松次光梓俱成立

吳氏宋孟甫妻年十八適宋生一子甫五歲孟甫亡氏  
年二十四事其姑舒氏生養葬祭盡禮壽八十六

馬氏徐美大妻年二十七聞夫卒於京一動而絕越三  
日復蘓姑王氏勸曰汝從夫死固宜吾與襁裸鬼何依

蒲圻縣志卷九 列女

八

息死

氏遂於死唯姑命自是朝夕紡績縞衣茹素六十餘年  
龔氏舒黃宰妻時丁吳逆亂明年五月宰客洞庭賊殺  
之氏年方二十父欲奪其志媒至大詈而退翁姑俱失  
明氏左右扶掖以終天年喪皆無失禮年八十卒  
詹氏龔榮伯妻苦節四十餘年初榮伯值明季亂父喪  
未葬母熊氏在堂榮伯歿家貧歲歉氏謹事其姑以終  
力葬三喪無遺憾子二長世成以其先世鄉賢爲奉祀  
生

劉氏歐陽世生妾世生年六十乃娶舉一子世生歿氏  
與嫡勤儉持家使子得專志讀書以成名

劉氏周日監妻監甫弱冠卒生一女無子舅姑皆年老



氏勉奉甘旨立姪哲夫爲嗣

邱氏雷特圭妻年十六適雷特圭以苦學成疾氏每焚香祝以身代氏送之壙求旁穴共瘞或噎其迷明日氏往溺母與姑急拯之得免數日氏乃私用緘布密縛肢體奔投狂流家人不及救駭聞數里得屍於雷家橋上灣合手若揖特立猶生時年十九

王氏鄧大聲妻氏年二十四而聲卒舉子虞佐纔六歲氏撫鞠歷千難百折以奉其姑事葬中禮六十四而終胡氏庠生汪世琦妻既歸六年舉一女而夫卒氏嚙指流血以示信乃以夫遺書教其繼嗣汪昌昌食餼而歿又撫登登亦亡

蒲圻縣志卷九

列女

九

楊氏陳六御妻二十四歲夫故生二子長三歲次僅七日氏撫之成值歲歉姑病割股以代湯藥

徐氏庠生程應中妻二十三歲夫卒子二齡次子尚在腹氏誓不二紡績以爲活

駱氏張海塘妻二十而寡子女俱無居樓焚香祀其夫像年五十卒

王氏張萬資妻二十七寡剪左手指肉焚鑪內誓不再嫁無何子又歿孫方五歲撫育孤孫復極勞瘁云

錢氏龔季宿妻年二十一季宿早世守志不渝一子甫三歲躬紆以教乾隆二年建坊

吳氏郡庠生沈偉妻十六歸偉婉婉勤慧生子中乾未



週而寡及子有室不踰年卒氏立嗣事姑年六十七卒  
馬氏庠生劉紹崑妻曉文知書二十二而寡子生週歲  
氏持齋四十年堂上嫡庶三姑善事以終

張氏汪聖錫妻二十七而寡子禔甫二歲家貧奉舅姑  
命甘旨必盡年五十九卒

余氏但錫九妻二十而寡生子椿至三歲有足疾氏艱  
辛撫之歷五十餘年卒

吳氏汪遠重妻二十二夫喪遺孤一矢志五十餘年

談氏鄧之通妻年二十五寡長子幼氏勤紡績事姑孀  
養葬盡禮守節三十餘年

廖氏李增桂妻桂力學攻苦構病卒氏年二十三子二

蒲圻縣志卷九

列女

十

幼嫡庶姑俱年老氏勵志苦節事姑數十年不懈

張氏何世祥妻二十五寡子幼善事姑氏命僕耘田數  
十畝以奉先祀督子讀書隣里有急輒應之

張氏徐宣昭妻年二十三而寡生一女無子初宣昭以  
宦後家貧親喪父招之贅踰年氏請於母廬於隔離以  
奉公姑之靈宣昭以客於外及歸卒葬屋旁日夜悲咽  
諸兄弟仍還諸室氏不從

賀氏張景妻其母無子守志及十九歲母招景來贅氏  
以老舅姑未得事乃隨夫歸其母以年老故復命往生  
子二氏二十七守節歷數十年

李氏何容安妻紡績以養姑鄉里矜其貧貽以鹽米辭



不受曰無勞而獲身之災也

李氏歐逢鳳妻二十二寡生子一謹事公姑鄉里稱孝  
歐氏張隼妻性敏少識書算年二十二而寡生子一苦  
志撫育以紡績營夫葬族里有不能葬者脫簪珥周卹  
之

周氏洪羽皇妻年二十二夫死氏撫孤事翁媪躬紡績  
備歷艱辛

張氏覃宏諧妻二十五宏諧喪子僅三歲撫之成立子  
三十而卒乃值衰暮鞠摩其孫尤極劬勞

姑媳三節者周氏李達遜妻生二子年二十四寡紡績  
織紵以育其子長媳陳氏孟乾妻年二十六而寡孟乾

蒲圻縣志卷九

列女

十一

臨危時囑曰汝無舅姑并無子息可隨汝志氏泣曰誓  
死不二次媳孫氏澤廷妻二十八而寡生子二俱幼氏  
守節不渝

李氏余映極妻寡言笑二十六寡無子立族姪爲嗣

謝氏庠生錢震揚妻年十八歸錢夫亡氏悲啼幾絕隨  
出釵佩以供夫葬具囑與夫同坐亦遂卒

魏氏漆昌明妻三十二夫死壽至百有二歲媳汪氏年  
少喪夫以苦節稱

舒氏適王姓居方橋團十九守節事姑孝教子嚴年九  
十卒鄉里稱之

項氏適馬姓二十守節居劈精團教子有法



涂氏唐有華妻年十七聞夫病願歸唐奉藥餌父母許之歸三載夫喪氏對棺封髮矢死靡他勤紡績自食其力

謝氏庠生王洪宇妻年二十五寡苦節自勵善事舅姑尹氏熊之柱妻柱早卒氏斷髮毀容日夜悲號成疾越二年亦卒

汪氏漆啟曜妻年二十四寡事老姑謹撫子成立守節五十一年

宋氏鄭尹公妻以夫體弱恐不永年爲備側室期早子既而宋氏舉兩子側室生一女及尹公歿宋與側室俱守節後二子俱列邑庠

蒲圻縣志卷九 列女

十二

三世六節婦者龐氏廖憲臣繼妻年十九寡無子守節終身何氏憲臣胞弟庠生廖師臣妻年二十五無出勸夫納妾張氏張生子一未及二年夫喪同志守節子駿生列邑庠娶潘氏駿生卒氏年二十有五撫子三長金聲拔貢生有傳雍正五年與姑何氏張氏俱建坊其次媳季氏宗諱妻年二十四寡立金聲之四子爲嗣初憲臣師臣之胞姪應機妻魏氏亦少寡守志全孤乾隆二  
年建坊

錢氏黃進公妻事姑至孝夫早世訓子艱苦畢歷乾隆二  
二年建坊

丁氏余堯章妻年二十六寡子甫半歲事公姑甘旨無



缺及死葬祭如禮

鄒氏徐樗妻年少守節艱苦彌貞雍正十一年建坊  
張氏王首山妻年二十四喪夫事寡姑謹教子有法  
陳氏馬漢妻漢卒氏撫遺孤越三年孤又死父母欲奪  
其志氏覺赴宅後新塘死

胡氏江鳳文妻鳳病篤與氏永訣曰吾死後若可改適  
氏悲憤曰請先死以報君遂赴水死

周氏李日孜妻孜遠出氏獨居有無藉龔某者窺室少  
艾輒往挑之氏詬厲不可犯一日氏往同巷借茗具龔  
尾其後伺左右無人戲以手捫其乳氏號哭奮罵歸遂  
赴池水自溺死事聞置龔於法氏循例得旌

蒲圻縣志卷九

列女

十三

姚氏周應和妻性貞靜事翁媪孝夫病時語氏以服闋  
當嫁氏聞言欲自引裁夫力止之夫氣將絕氏長號結  
束衣履赴池水先死

余氏王良聰妻性溫惠喜施與年逾六十夫沒子喪媳  
馬氏守節念城北河浮橋爲南北通衢捐田十石零七  
升呈券縣官收租穀爲歲修費巡撫盧大中丞結頒惠  
濟嗣徽匾額表之

續志淑行二人

余氏章開瑞母開瑞自有傳余性淑嘗囑子貧人典棉  
衣被免息十年及穀出糶照市價平減百錢定爲家法

汀泗團



徐氏生員謝標妻喜施與事繼姑孝標好客樽酒不空  
氏親烹調叱嗟立辦不任奴婢官田團

貞女十一人

貞女聶大姑幼許張以忠子聞訃趨夫家守貞三十七  
年卒雍正年 旌表 新店團

貞女楊四姑鮑紹棠聘室未字聞訃即往夫家守貞卒  
嘉慶十年 旌表 南勳團

貞女葉慶姑龔新玉聘室方字之年聞訃趨夫家守貞  
卒知縣彭題其里曰貞里勒石道光元年 旌表 城廂團

劉順安女許配何某未字何卒欲往服喪父母阻之旋  
自裁死邑令陳額獎 官田團

精坑縣志卷

列女

十四

貞女龔八姑龔勉亭女初許石某石卒女志守貞母再  
許葉時年十八自經死 汀泗團

貞女沈安姑許配葉開哲哲故奔赴不欲生旋投繯卒  
邑令丁額獎 汀泗團

陳一姑王廷佐長子聘室十六未字夫歿聞訃往夫家  
守貞四十七年卒年六十三 洋泉團

李大姑配周廷佐子十六未字聞訃素衣奔夫家拜謁  
舅姑辭歸自縊與夫合葬 城廂團

張氏許配漆開登未字開登故氏聞適漆守貞時六十  
九 安豐團

貞女方一姑幼配陳某未字夫外出守貞八十餘年 池江團



貞女金九姑幼許字孔毓惺惺外亡女聞登樓自縊學  
政王額獎

貞婦一人

尹氏嘉魚尹紹梁女能詩許魏可卿婚有日矣未及期  
可卿死尹聞慟哭自經死遺囑與可卿合葬嘉蒲兩縣  
迎送者百人 斗門團

割股者十四人

向氏一姑張滌予妻從夫僑寓臨湘夫病割股以痊夫  
嘗拾遺金氏曰君以為喜遺者傷矣覓其人還之臨邑  
人贈詩成帙名芳徽詩鈔

秦氏生員徐以潤妾以潤病割左臂痊之邑令勞獎以

蒲圻縣志卷九 列女

十五

詩見鄉里志風俗條 城廂團

周氏胡傑煌妻姑馬氏病割肱以痊林令額獎勞令并

詩美之 城廂團

張氏沈福一妻割股痊夫邑令勞額獎 城廂團

余氏談太福妻割股痊翁邑令勞額獎 城廂團

謝氏任濟傳妻年踰二十割肱療姑邑令勞額獎 蕭橋團

沈氏李天昇妻割肝療姑邑令王額獎 白石團

徐二姑徐敦本女年十四割肱痊父邑令王額獎 池江團

賀氏楊德懷妻割肱療姑又剖胸斷肝痊翁邑令額

獎 洪石團

李氏吳經妻姑病篤割肝以痊學政王額獎 新興團



楊氏李宜儀妻二十六守節封肱療姑卒年五十九學政鮑額獎

涂氏但維楚妻二十守節七十病篤孫文錦封臂和藥以痊卒年八十三 新興團

馬氏江自瀚妻封肱療姑學政吳額獎 峽山團

鄭氏王裕選孫媳封臂療姑與祖母同節 城廂團

壽婦一人

許氏王正榮妻壽百有四歲 新興團

守節已奉

旌表者十八人

魏氏生員廖應機妻二十六夫故守節四十九年乾隆

浦圻縣志卷九 列女

十六

二年 旌表 斗門團

魏氏生員祝日昶妻二十四夫故守節四十九年子其

杏進士有傳乾隆三十九年 旌表 斗門團

熊氏程望隆妻十七于歸未期夫逝舅姑憂鬱成疾氏

侍湯藥稍間服醎卒嘉慶四年 旌表 城廂團

魏氏黃占魁妻二十三夫故守節五十八年卒嘉慶十

四年 旌表 城廂團

汪氏宋日永妻十九守志嘉慶十四年 旌表 洪山團

王氏徐珍妻節孝撫孤嘉慶十五年 旌表 石坑團

張氏徐鍾麟妻夫故守志嘉慶十六年 旌表 石坑團

彭氏李懋鳳妻二十九守節卒年八十二五代同堂嘉



慶二十三年

旌表 城廂團

鄭氏王裕選妻二十三守節卒年八十二嘉慶二十年

旌表 城廂團

王氏徐棠文妻夫故守志道光元年

旌表 石坑團

徐氏魏錫珖妻二十六守志時年七十有一道光五年

旌表 石坑團

徐氏石咸吉妻二十九守節卒年七十六道光八年

旌表 城廂團

陳氏張霞東妻十八守節以夫弟渭川子為嗣卒年六十

十有一道光九年 旌表 方橋團

張氏周明瑤妻十九夫故嗣姪不永年同媳某氏守節

蒲圻縣志卷

列女

十七

道光十年

旌表 土橋團

熊氏汪世綱妻二十九守節時年七十有三道光十年

旌表 城廂團

馬氏龔掄升妻二十四夫故守節五十九年教子成名

道光十年 旌表 城廂團

陳氏聶景元妻二十三守節時年八十道光十五年

旌表

吳氏監生陳允鴻妻二十九夫故守節二十三年道光

十六年 旌表 城廂團

陳氏張至繁妻二十三夫故守節三十七年道光十六

年 旌表 城廂團



守節有年紳士結報者一百六十八人

沈氏梅南森妻十九喪夫撫孤未三載子歿投魯塘死  
石坑團

魏氏徐鍾涵妻二十四守節卒年五十八 石坑團

劉氏徐本亨妻二十三守節卒年五十七 石坑團

魏氏庠生張兆進妻二十八守節卒年八十 石坑團

一門雙節吳氏張兆文妻二十五夫故奉姑守節年九

十卒李氏張兆標妻卽吳氏同胞弟媳二十五守節時

年六十三 石坑團

游氏胡思文妻二十六夫故撫遺腹子守節五十六年  
斗門團

蒲圻縣志卷九 列女

十八

但氏蕭容秀妻二十一夫故撫遺腹子卒年五十五 斗門團

石氏魏溫亭妻二十六夫故教子成立卒年五十八 斗門團

尹氏萬大中孫格理妻二十一守節卒年六十三 車埠團

魏氏黃世龍妻二十四守節卒年七十八 車埠團

童氏聶朝鳳妻守節四十五年卒年七十 官礪團

馬氏周青塘妻十九守節卒年六十五 官田團

李氏馬楷安妻二十守節卒年七十五學政沈額獎 官田團

石氏馬注妻二十八守節卒年八十 官田團

任氏馬文明妻十八守節卒年六十六學政賀額獎 官田團

江氏黃世榮妻二十五夫故守節五十一年 斗門團

但氏羅樸臣妻十九守節卒年八十四學政王額獎 南勸團



舒氏陳永賢妻十九守節卒年五十有六繼姪光澍承  
祧安豐團

彭氏生員但傳鴻妻二十五夫故守節四十年子文英  
拔貢安豐團

魏氏但傳僅妻二十守節立姪承嗣卒年五十安豐團

章氏鄭明萬妻十八守節卒年七十一城西團

周氏葉廷美妻二十九守節卒年七十四汀泗團

劉氏葉廷華妻二十八守節卒年七十三汀泗團

李氏龔心善妻二十五守節年踰七十汀泗團

唐氏石應相妻二十六守節卒年七十六學政王額獎

汀泗團

蒲圻縣志卷九 列女

李氏葉興進妻二十九夫故生子僅五月守節四十六  
年汀泗團

王氏胡文國妻十九守節卒年八十一郭連團

曹氏李桂芳妻二十七守節卒年六十六學政王額獎

郭連團

葉氏胡宏穆妻二十七夫故七日遂自經死郭連團

周氏葉大文妻二十七守節卒年七十汀泗團

廖氏羅凝液妻二十九守節年逾七十卒白藕團

萬氏張音揆妻守節卒年七十四女適程國隆亦二十

二守節時五十有六方礪團

田氏洪德英妻二十二守節卒年八十方礪團



尹氏馬宗輝妻二十一守節教子入邑庠卒年八十有  
五 蕭橋團

吳氏魏朝安妻二十九守節卒年七十七 南懃團

魏氏田六長妻二十二守節卒年八十二 大田團

李氏田逢年妻守節三十餘年卒年六十二學政王額

獎 大田團

黃氏賀大才妻二十四守節卒年六十 來山團

吳氏邱裕大妻二十九守節卒年八十 洪石團

王氏監生周明琇妻二十五守節卒年五十六 土橋團

劉氏謝祖悌妻二十三守節卒年三十二 汀泗團

龔氏馬宗祿妻二十九守節卒年六十六邑令彭額獎

蒲圻縣志卷九 列女

二十

城廂團

何氏張獻奇妻二十六守節卒年七十邑令彭額獎 城廂團

袁氏羅舜州母二十六守節卒年七十五邑令彭額獎

城廂團

馬氏藥溶南妻二十八守節卒年七十一 城廂團

馬氏王杏傳妻二十五守節卒年七十九 城廂團

錢氏陳允騏妻十九歸陳五月夫故守節十年檢夫手

錄南華經兩卷一慟而卒 城廂團

游氏庠生熊本英母教遺腹子成名年逾七十 楊林團

李氏庠生張開策妾生男三歲夫故苦守視嫡如姑卒

年六十八 白菴團



萬氏盧兆杏妻二十五夫故守節卒年六十七邑令

額獎 城廂團

汪氏李允綸妻二十三守節卒年五十八 官田團

馬氏謝澤玠妻二十八夫逝時逾七十學政王額獎 官田團

馬氏李長壽妻二十八夫故守節三十二年時年六十

官田團

馬氏謝澤斌妻二十一守節時年六十學政朱額獎 官田團

高氏馬宗瑜妻守節四十四年瑜弟世濟卒妻田氏守

節三十七年一門雙節學政王額獎 官田團

田氏覃錫男妻二十四守節卒年八十 馬獅團

蘓氏王錫寵妻二十歲守節卒年七十三 馬獅團

蒲圻縣志卷九 列女

王氏鍾世傑妻二十一守節卒年七十 馬獅團

鄒氏饒勝萬妻二十三守節卒年六十七 洪石團

黃氏饒鼎華妻二十九守節卒年六十五 洪石團

李氏胡掄秀妻二十四守節卒年六十三 城廂團

魏氏梅逢源妻二十九守節時年六十六 石坑團

周氏徐鍾旭妻二十八守節時年六十有六 石坑團

梅氏徐本培妻二十五守節時年六十有一 石坑團

熊氏周人傑妻祖勸改節引刀欲自刎祖亟止之學政

王額獎時六十有七 楊林團

鮑氏馬全 斗門團 十三守節教子成人時五十七 斗門團

石氏廖祖 斗門團 八守節時五十有七 斗門團



黃氏蕭占元妻守節三十六年時六十有一彭合額獎  
洋泉團

李氏張至繁妻守節三十夫卒家貧回江夏依母家守  
志時六十一 白純團

余氏聶廷桂妻守節四十年立姪承祧時六十有三 宜橋團

謝氏馬朝貴妻二十八夫故時年六十守節三十二年  
黃龍團

吳氏石應寧妻二十守節時八十有五五代同堂 南勲團

舒氏生員但尚忠妻二十四守節立姪承嗣時六十有  
三 安豐團

劉氏監生陳允鍾妻二十九守節教子成名時五十九

蒲圻縣志卷九 列女

世二

安豐團

鄭氏生員雷萬年妻二十二守節時年六十邑令勞額  
獎 城西團

王氏葉天傑妻二十二夫故撫遺腹子守節四十三年  
汀泗團

張氏監生章鵬盛妻十九夫故守節四十三年學政吳  
額獎 汀泗團

王氏李瞻點妻二十四守節時七十一 郭連團

李氏胡宏通妻二十七守節時年六十三 郭連團

陳氏胡心易妻二十六守節時六十有三 郭連團

周氏黎明作妻二十守節時六十二 郭連團



蘓氏黎明倫妻二十七夫故守節三十三年時年六十  
學政王額獎 郭連團

張氏洪敬修妻二十四守節遺腹子大廷亦早卒媳王  
氏守志張氏時年八十九王氏時年六十四 方喬團

楊氏洪日修妻三十守節時年六十一 方喬團

張氏洪宜祥妻二十四守節時年六十四媳趙氏亦守  
節 方喬團

一門三節王氏馬懷璧妻二十六守節壽八十四長子  
文盛次子文茂俱早逝兩媳王氏相繼矢志時年俱六  
十 蕭礪團

沈氏馬函淵妻三十守節時年六十六 白菴團

蒲圻縣志卷九 列女

馬氏魯華林妻三十守節時年六十 白菴團

馬氏羅九蘭妻三十守節時年七十九 白菴團

徐氏傅輝廷妻三十守節時年八十三 白菴團

任氏吳源祚妻二十七守節時年七十三 白菴團

何氏張朗山妻二十四守節時年八十一靈合額獎 南勸團

尹氏張開聰妻三十二夫逝守節二十四年學政王額  
獎 白菴團

陳氏雷曉園妻二十二夫故守節三十年學政王額獎

洪石團

祝氏黃世柏妻二十七夫故守節三十年時年五十六

洪石團



李氏周廷行妻二十一夫故守節三十四年時年六十  
一土橋團

李氏周明琦妻二十二夫故守節三十八年時年六十  
土橋團

周氏沈壽大妻二十八喪夫守節三十二年其姑王氏  
媳周氏節同

周氏左秋選妻二十四夫故守節四十二年 楊林團

王氏張傳忠母二十四守節時年七十學政額獎 城廂團

鄭氏游應榜妻二十六夫故守節五十六年時年八十  
二城廂團

李氏陳菴甫妻二十夫逝守節六十五年時年八十五

蒲圻縣志卷九 列女

廿四

學政初額獎 城廂團

鮑氏吳世綬妻二十四夫故守節五十年時年七十四  
城廂團

陳氏張榮安妻二十四夫故守節三十五年時年五十

九王令額獎 白菴團

涂氏洪澤安妻二十三守節時年八十四學政 額獎  
官塘團

陳氏廖祖宜妻二十三守節時年六十四唐令額獎 白菴團

盧氏廖有秩妻二十八守節時年六十七方令額獎 城廂團

范氏王以文妻三十一守節以姪承祧時年六十五 蕭橋團

皮氏朱天茂妻三十一守節時年五十九 城廂團



馬氏魏增旦妻二十八守節時年七十六 土橋團

聶氏王廷端妻二十七守節時年六十一 馬獅團

葉氏許家然妻二十一守節時年六十 馬獅團

賀氏邱道奎妻二十九守節時年五十 洪石團

邱氏游翔飛妻二十四守節時年六十四 洪石團

李氏黃宏瑞妻守節卒年五十六邑令安額獎 城廂團

章氏龔心昌妻二十九守節始撫孤子繼撫孤孫學政

王額獎時年八十 汀泗團

鄭氏龔心元妻二十五守節時年五十 城廂團

一門三節朱氏鮑秀夫妻二十六守節媳尹氏經朝妻

三十守節孫媳敖氏繁宗妻十九守節無嗣敖一瓚有

蒲圻縣志卷九 列女

廿五

傳車埠團

李氏盧周葵妻二十夫死越六日氏虔祭畢自經死 車埠團

楊氏庠生游登雲妻二十九守節時年五十 城廂團

喻氏袁秀山妻二十九守節卒年六十三 小柏團

朱氏熊崇學妻二十八守節卒年六十 小柏團

張氏生員熊晦之妻二十餘守節卒年八十四邑令永

額獎 城廂團

鄭氏鄧俊南妻二十一守節卒年六十五 城廂團

黃氏陳世佐妻二十五守節年逾八十 池江團

周氏徐光輝妻二十八守節卒年七十九 土橋團

丁氏周廷椿妻二十七守節時年四十七 土橋團



黃氏李元吉妻二十三守節卒年七十七 白菀團

黃氏李清甫妻二十五守節時年七十一 荆沙團

吳氏覃天寵妻二十四守節撫姪宗周成明經順治十

四年卒壽八十四 馬獅團補遺

李氏周天鳳妻二十五守節立姪順簡成明經卒年九

十一 邑合陳額獎 來山團

黃氏劉朝舞妻二十六守節撫孤斐恭成明經卒年五  
十來山團

石氏龔世卿妻十九守節卒年八十 峽山團

張氏庠生魯用方妻二十四守節子淳仕參軍誥贈孺

人卒年七十二 城廂團

蒲圻縣志卷九 列女

徐氏周斗垣妻二十五守節卒年六十二 邑合彭額獎  
城廂團

龔氏周順時妻二十二守節卒年五十一 城廂團

鄧氏趙文祿妻二十九守節卒年六十九 學政王額獎

城廂團

余氏舒如鵬妻二十一守節時年六十二 學政吳額獎  
上寺團

余氏陳松林妻二十五守節時年六十四 城廂團

方氏熊桂村妻三十守節時年七十 楊林團

饒氏徐執山妻十九守節卒年六十八 媳饒氏亦守節

三十七 學政王額獎 洪石團



李氏劉鳴士妻二十六夫故守節三十餘年卒張令額  
獎來山團

賀氏周儲伯妻二十三守節年逾六十學政兩次額獎  
來山團

覃氏陳維海妻十九夫故守節七十餘年學政朱額獎  
池江團

鄧氏曹應灝妻二十四守節卒年五十五學政茹額獎  
城廂團

陳氏游正椿妻二十一守節時年六十六城廂團

徐氏張至敬妻二十八守節時年六十城廂團

魏氏生員田瑛妻三十守節卒年六十七新興團

蒲圻縣志卷九 列女

廿七

熊氏但開柏妻二十六守節卒年七十三新興團

王氏周智千妻二十守節撫遺腹子卒年七十新興團

李氏熊懷仁妻二十九守節時年九十媳徐氏在田妻

二十九守節卒年五十七新興團

尹氏許偉玉妻十九守志苦節六十餘年新興團

許氏馬首元妻二十二夫故撫一歲孤彭憲額獎新興團

熊氏葛佐龍妻二十八夫故教子有方學政王額獎新興團

許氏楊明瑚妻二十九夫故教遺腹子成人新興團

賀氏馬册玉妻二十二夫喪守節三十餘年官田團

續補 旌表一人

談氏鄧之通妻二十五守節卒年五十六雍正十年



旌表 城廂團

割臂割肝者四人

徐氏吳應顯妻始割肱以療父繼割肝以痊姑奉夫邑令勞額獎 荆沙團

呂氏任傳釗妻因姑病篤始而割臂繼而割肝姑病遂痊邑令勞額獎 黃龍團

蘇氏王品一妻道光十年割肱痊姑邑令丁額獎時年四十五 荆沙團

李氏彭宗標妻二十三守節道光六年割肱痊姑邑令王額獎時年四十一 汀泗團

紳士結報守節者一百零八人

蒲圻縣志卷九 列女

共

項氏馬一士妻二十一守節卒年百有二歲學政王額獎 勞精團

馬氏邱顯周妻二十八守節時年六十二歲學政王額獎 勞精團

錢氏陳先灼妻二十六守節時年五十九歲 勞精團

石氏周天東妻二十三守節卒年六十歲邑令王額獎 城廂團

張氏熊御環妻二十二守節撫遺腹子學憲邊額獎 小柏團

汪氏熊正朝妻二十九守節卒年五十九 小柏團

楊氏鄭月山妻二十五守節卒年五十五 車埠團



賀氏李器周妻二十一守節卒年七十二學政王額獎  
大田團

鄭氏任宗辰妻二十七守節卒年六十  
大田團

宋氏劉茂林妻三十守節時年六十八  
大田團

田氏黃榮爵妻二十六歲守節卒年六十六  
大田團

田氏鄭天柱妻二十六守節卒年八十四  
大田團

徐氏王兆貞妻二十八守節訓子成名時年六十二  
大田團

李氏鄭以貞妻二十二守節時年七十一  
大田團

袁氏馬效恕妻二十八守節時年七十一  
大貴團

袁氏張至晟妻二十守節時年六十二  
大貴團

葉氏周士耀妻二十夫故投繯卒  
大貴團

蒲圻縣志卷九 列女

劉氏馬陞璜妻二十守節孝養撫孤卒年五十  
大貴團

劉氏葉先柏妻十九守節時年六十  
大貴團

周氏顏魁選妻二十八守節時年八十  
大貴團

吳氏馬榮臣妻二十二守節卒年七十三  
大貴團

余氏田正順妻十九夫故投河死  
大貴團

徐氏劉月亭妻廿五守節時年六十  
大貴團

田氏葉御昭妻二十八守節撫孤成立卒年七十八  
大貴團

貴團

鄧氏葉星宇妻二十八守節善事繼姑時年六十五  
大貴團

貴團

劉氏葉郁章妻二十一守節善事祖姑時年六十學政



吳額獎

大貴團

凌氏葉藜九妻二十守節時年六十

大貴團

任氏劉文照妻三十守節時年七十四

大田團

李氏馮良臣妻三十守節時年六十四

大田團

周氏汪光良妻二十三守節撫孤成立時年五十

談氏王弼士妻二十六守節卒年五十一

土橋團

汪氏宋克明妻十九守節卒年七十一

龍坑團

扈氏舒聖傳妻二十守節卒年六十三

龍坑團

戴氏周慎三妻二十四守節勤苦撫孤時年六十一

黃

土團

涂氏周佐三妻二十二守節時年五十五

黃土團

蒲圻縣志卷九

列女

三

劉氏楊起銘妻二十七夫喪投繯卒

黃土團

祝氏文振江妻二十四守節卒年五十四

上寺團

洪氏文亨極妻二十四守節卒年七十七

上寺團

龔氏文璇妻二十六守節卒年五十九

上寺團

羅氏文元喜妻二十六守節卒年六十四

上寺團

劉氏文本先妻二十守節時年五十

上寺團

雷氏田奇山妻二十一守節卒年七十二學政李額獎

上寺團

張氏田秀文妻二十六守節時年六十三

上寺團

文氏田繼文妻二十三守節時年六十一

上寺團

陳氏任標毓妻二十守節卒年七十八學政王額獎

蕭



橋團

張氏馬繩遠妻二十五守節卒年八十二學政王額獎  
新興團

馬氏袁兆國妻二十八守節卒年七十一  
新興團

鄒氏魏衡勳妻二十八守節時年七十學政額獎  
城廂團

鄭氏謝明文妻適謝一月夫故  
撫遺腹子成立守節五十九年車埠團

劉氏賀遠璧妻二十三守節媳李氏太清妻亦守志兩

代遺腹一門雙節  
來山團

沈氏文塔妻二十守節時年八十學政鮑額獎  
上寺團

葛氏周軒元妻二十四守節時年五十五  
楊林團

但氏周頌智妻十八守節時年四十八  
楊林團

蒲北縣志卷九 列女

方氏熊桂村妻二十四守節時年七十  
楊林團

湯氏宋榮錦妻二十六守節撫子成立時年五十九學

政王額獎  
荆沙團

鄧氏李明甫妻二十六守節時年五十七學政王額獎  
荆沙團

田氏梅朝紳妻二十三守志卒年六十媳徐氏與姑同

節  
石坑團

徐氏周國才妻二十三守節卒年八十四  
土橋團

田氏周廷衛妻二十六守節卒年六十一  
土橋團

吳氏盧自馥妻守節三十六學政許額獎  
車埠團

施氏廖璠遠妻二十四守節卒年九十九邑令安額獎



斗門團

汪氏盧貞甫妻守節三十九年學政王額獎 斗門團

廖氏熊本純妻二十守節卒年七十六 斗門團

石氏廖日升媳十八守節時年六十一 斗門團

黃氏李暄照妻二十二守節卒年八十學政沈額獎 洪山團

鍾氏鄧廣健妻二十五守節時年五十七 車埠團

李氏宋伯輿妻二十七守節卒年九十 洪山團

李氏宋方衡妻二十六守節五旬邑令彭額獎 洪山團

廖氏李順菴妻二十五夫故遂自縊 禮坑團

來氏鄭遠興妻二十六守節時年五十二 黃土團

宋氏李燦公妻二十守節卒年六十七儒學額獎 大田團

蒲圻縣志卷九 列女

理氏李方州妻二十四守節卒年五十三 大田團

覃氏涂又華妻夫故七日投縵卒邑令鄭額獎 官塘團

洪氏修宏舉妻二十四守節時年五十八 官塘團

姜氏盧位天妻二十二守節卒年七十三 官塘團

一門三節祝氏馬蒼玉妻守節四十八年李氏馬純玉

妻守節四十三年石氏馬儒士妻守節四十二年 斗門團

鮑氏廖祖櫛妻于歸未期夫故投縵卒邑令方額獎 斗門團

門團

汪氏沈暉吉妻夫死十日焚棄衣物飲醜卒 車埠團

余氏馬貴妻十八夫故守節五十年邑令勞額獎 上巳團

但氏李茂生妻二十三守節卒年六十四媳彭氏二十



五守節卒年七十六 大田團

龍氏聶方中妻守節五十三歲時年七十八 官橋團

李氏姚煥乎妻二十年守節卒年八十二 大田團

許氏熊本蕙妻二十五守節卒年五十九學政王額獎 斗門團

鮑氏王良誥妻二十七守節卒年七十八邑令靈額獎 城廂團

賀氏錢汝陟妻二十一夫故守節六十六年邑令何額獎 城廂團

覃氏鄒仁以妻二十五守節時年七十七 坪下團

梅氏徐允涵妻二十四守節卒年五十學政王額獎 石

清坑縣志卷九 列女

三三

坑團

但氏周長春妻二十夫故撫遺腹子守節三十餘年 楊

林團

李氏章逢盛妻二十夫故守節四十二年督學朱額獎

汀泗團

饒氏周遴次妻生子二十七日守節教子姪孫輩次第

成名卒年七十三縣主兩次額獎 來山團

徐氏廩生周冕妻二十九守節時年逾七十 來山團

王氏劉宏勛妻二十四守節王憲額獎 城廂團

胡氏羅平一妻二十三年夫故守節三十七年學憲朱

額獎 城廂團



徐氏王兆貞妻二十八守節時年六十二 大貴團

魏氏張容菴妻二十夫故守節三十餘年卒教諭孫額  
獎 新店團

熊氏邑庠聶揆三妻二十五守節卒年六十七 新店團

聶氏黃正綱妻十九夫故守節五十餘年 新店團

彭氏張廷仲妻守節四十二年學政王額獎 新店團

覃氏周必運妻二十八守節年屆六旬學政查額獎 宣橋團

潘氏陳宏仁聘室幼至夫家夫外藝未歸生平未與夫

面時年六十學政王額獎 峽山團

杭氏覃光璧妻二十四守節學政吳額獎 馬獅團

馬吳氏二十守節撫孤子卒再撫孫時年六十三 蕭橋團

蕭坑縣志卷九 列女

三十四

馬氏王士瀛妻二十七守節時年七十學政王額獎 蕭橋團

橋團